



1 4  
1666  
4



氏風  
俗通  
姓



篇

俗

通

姓

氏風  
篇俗  
通  
姓



門 4  
號 1666  
卷 4

順德龍氏  
知服齋鑄

早稻田 大學 圖書館  
28.9.7 次  
藏 書

輯風俗通姓氏篇序

昔春秋時周之史伯魯之烈仲晉之晉臣鄭之公孫揮楚之觀射父皆善言族姓炎黃以來如指諸掌而以姓氏著書傳後者周則有左丘明世本之氏姓篇戰國則有荀況之血脈譜漢則王符潛夫論之姓氏志鄧氏官譜潁川太守聊謀之萬姓譜徵君管寧之姓氏歌斯為最古而泰山太守應劭風俗通姓氏篇繼之源厥所祖推究更改雖有坳會大致典碣惜其篇散佚不為完書予于輯世本之暇輒搜簡尋牘粹薈成帙輒以穴管正其疏漏後見抱經盧氏叢書亦香此篇殊多闕略聊復栞布貽之同好云

風俗通姓氏篇序  
凡姓氏之起也... 夫姓者... 氏者... 姓與氏... 亦如之公羊譏衛滅邢論語貶昭公娶于吳謂同姓也蓋... 姓有九或氏于號或氏于謚或氏于爵或氏于國或氏于... 官或氏于字或氏于居或氏于事或氏于職以號唐虞夏... 殷也以謚戴武宣穆也以奮王公侯伯也以國曹魯宋衛... 也以官司徒司寇司空司城也以字伯仲叔季也以居城... 郭園池也以事巫卜陶匠也以職三鳥五鹿青牛白馬也... 廣韻 太  
平御覽

風俗通姓氏篇原序

萬類之中惟人為貴春秋左氏傳官有世功即有官族邑  
亦如之公羊譏衛滅邢論語貶昭公娶于吳謂同姓也蓋  
姓有九或氏于號或氏于謚或氏于爵或氏于國或氏于  
官或氏于字或氏于居或氏于事或氏于職以號唐虞夏  
殷也以謚戴武宣穆也以奮王公侯伯也以國曹魯宋衛  
也以官司徒司寇司空司城也以字伯仲叔季也以居城  
郭園池也以事巫卜陶匠也以職三鳥五鹿青牛白馬也  
廣韻 太  
平御覽  
澍按廣韻又引姓氏篇序云凡氏之興九事一氏于號  
唐虞夏殷是也四氏于國齊魯宋衛是也又云凡氏于  
謚戴武宣穆是也凡氏于字伯仲叔季是也又云氏于  
事巫卜陶匠是也氏于居者城郭園池是也氏于職焉

三鳥五鹿是也北史高構傳引風俗通云姓有九種或氏于爵或氏所居字句與御覽所引微異皆是以意改刪非仲遠原文又按唐書柳芳氏族論引巫卜作巫乙亦非

風俗通姓氏篇上

漢泰山太守汝南應劭篡 武威張澍編輯補注 姓氏篇上

澍按顏師古注急就篇云應劭篡風俗通多設人姓而為章句偶讀斯效急就之為也又按史記荀卿列傳集解引徐廣以為應劭氏姓注亦即此篇以篇為注恐誤

東方氏伏羲之後帝出于震位東方子孫因氏焉平原厭次漢大中大夫東方朔鄭樵氏族略胡三省通鑑注吳曾能改齋漫錄

澍按路史注引云東方氏伏羲氏之後出于女媧

東陵氏秦東陵侯邵平之後又齊景公時有隱居東陵者氏焉神仙傳有東陵聖母鄧名世古今姓氏辯證

澍按氏族略引云東陵氏東陵侯邵平子孫氏焉無齊景公以下數語又按博物志東陵地名聖母姓杜名姜

應氏以聖母姓東陵誤矣一云女邢姓師劉綱能易形

變化適海陵杜氏漢帝賜號東陵聖母或謂為晉康帝

時人者誤劉遴之神異錄聖母廣陵人神仙傳海陵人

東郭氏東郭牙齊大夫東郭咸陽其後也司馬貞史記索隱

澍按桓公謀伐莒謀未發而牙知之見呂氏春秋又左

傳齊有東郭偃東郭賈即大陸子方孔叢子東郭亥欲

攻田氏執贄見夫子而訪焉呂氏春秋秦相百里奚齊

使東郭蹇如秦平準書食貨志東郭咸陽齊之大鬻鹽

也官大農丞領鹽鐵事

東關氏晉東關嬖五之後漢有將軍北亭侯東關義辯證

澍按鄧名世云東關晉之門名其先晉守關大夫以地

為氏義即其後不可云嬖五後也

中氏漢有少府中京李賢後漢書注

澍按廣韻引府下有卿字又北海相景君碑有修行中  
香字季速劇人

中行氏漢有諫議大夫中行彪晉中行偃之後後漢書注

澍按漢有燕人中行說為宦者降匈奴師古云行音胡

郎反

中壘氏劉向為漢中壘校尉支孫以官為氏辯證氏族略

冲氏漢有博士冲和辯證

澍按萇陽國志節士冲昱成都人少受學于嚴季后為

季后畫策免汶山夸之難近朶本作仲昱譌

銅鞮氏晉銅鞮伯華之後銅鞮晉之別邑也氏族略

澍按後有同蹄姓即銅鞮也

僮氏漢有交阯刺史僮尹孫愐廣韻通鑑注

澍按姓纂童氏出老童路史謂童僮出童律也東漢循

史童恢謝承書作僮恢東觀記作种恢

蒙氏東蒙主以蒙山為氏秦有將軍蒙騫生武武生恬皆仕秦氏族略

澍按姓纂云蒙氏高陽後封以為蒙雙有蒙氏雙氏又按管子齊有蒙孫佐桓公立霸者

重氏顓頊帝重黎之後少昊時重為南正司天之事黎為北正司地之事氏族略

澍按少昊四叔重該修熙焉知重非句芒之後乎又逸周書重氏伐有郇又重丘氏以美女遺青陽皆宜有後

也耿弇傳大槍渠帥重異或作重遇又作重連公乘姓也魯有公乘子皮見列女傳張說姓源韻譜

澍按晉書音義引上四字又按公乘秦第八齋當是以齋為姓者公乘子皮欲為魯相其妣勸勿為也

公玉氏齊潛王臣有公玉冉漢有公玉帶其後也史記索隱

澍按公玉冉呂氏春秋作公玉丹師古漢書注曰公玉姓也帶名也呂氏春秋齊有公玉丹此蓋其舊族

而說者讀公玉為宿非也單姓玉者後漢司徒玉況自音宿耳又按公玉帶濟南人進黃帝時明堂圖鄭

夾深以公玉帶為黃帝時人誤甚楊震碑陰有渤海公玉子舉

公族氏晉成公立嫡子為公族大夫韓無忌號公族穆子見左傳漢有勃海公族進階後漢書注

澍按公族進階見王純碑陰門生人名內黨銅傳云勃海公族進階與扶風魏齊卿竝危言深論不隱豪彊自

公卿以下莫不畏其貶議屣履到門公賓氏公賓姓也魯大夫公賓庚之後漢有校尉公賓就



東海人通鑑注

澍按魯一作晉庚一作庚均誤左哀公八年傳吳伐我克東陽而進公賓庚公甲叔子與戰于夷獲叔子與析朱鉏獻于吳子又一引無校尉二字公賓就即斬王荅首者

公旗氏戰國策齊威王時左執法公旗蕃左傳齊悼子公旗之後林寶元

澍按姓源引云齊悼公子子旗之後

終氏桀內史終古後氏焉漢有諫議大夫終軍證辯

澍按王莽時有終帶見匈奴傳

終古氏終古桀內史也因氏焉氏族

終黎氏嬴後有姓終黎者是也裴駟史記集解

澍按世本云終黎嬴姓國路史云徐之別封應劭云鍾

離子國在九江蓋其後徙于此吳滅之終黎即鍾離楚將有鍾離昧漢有鍾離意字子阿

農氏神農氏之後廣韻

龍丘氏琴引有楚龍丘子後漢吳有龍丘萇隱居太末志不降辱太末有龍丘山顏師古急就章注

澍按琴操九曰楚引楚游子龍丘高所作也文選注引琴操云龍丘高出游三年思歸故鄉望楚而長嘆故曰楚引氏族略引云龍丘氏漢有高士龍丘萇吳郡人

雍氏文王子雍伯之後氏族

澍按鄭莊夫人雍姑國姓纂云宋之雍氏本姑姓寰宇記雍氏黃帝後姑姓是矣是雍不止文王後也鄭有雍糾齊有雍廩漢有雍齒封什邡侯

功氏晉大夫司功景子之後或去司單為功氏證辯

弓氏魯大夫叔弓之後漢有光祿勳弓祉姓纂

樹按漢有帶方太守弓遵見魏志

嵩氏漢有嵩極弇子見史記證

樹按路史國名記帝佶次妃有娥後有嵩氏又按西京雜記安定嵩真與弇菟曹元理竝明算術是嵩真嵩極

弇子各一人鄧名世以應劭為失考誤矣

移氏高後采高堂公子雍食采于移後為氏後漢書注羅泌路史國

名漢有弘農太守移良廣韻洪邁容齋隨筆

樹按移良即承宦官旨停楊震棺于道側者氏族畧引作蘄良辯證引作南郡太守皆誤

為氏魯昭公子公為之後漢有南郡太守為昆廣韻容齋隨筆

隨氏隨侯之後漢有博士隨何後漢有扶風隨蕃廣韻

樹按論語疏隨侯姓祝名元暢是隨侯姓祝也茲當云

隨國之後為審光武時有偏將軍隨弟弟音悌

義氏堯卿義仲之後廣韻

樹按太平寰宇記廢城塘縣在州西北一百一十里隨

末縣令義士暄置有城塘以為名

卑氏鄭卑諶之後漢有北平太守卑躬議郎卑整廣韻

樹按後漢書注引云卑氏鄭大夫卑諶之後漢有卑躬

為北平太守胡太傅碑有太傅掾雁門卑整袁宏紀作

畢整誤後漢皇后紀熹平四年小黃門趙祐議郎卑整

上言云春秋之義母以子貴今冲帝母虞大家質帝母

陳夫人皆誕生聖皇而未有稱號云云即為太傅掾者

也又按卑諶論語左傳皆作裨古今人表作卑顏師古

注音脾

離氏離婁孟子門人之後漢有中庶子離常氏族

澍按辯證引云離氏漢有中庶子離常鄭氏引之後二字在離常下今改正離婁本黃帝時人廣韻以為孟子門人亦異聞也

池氏漢有中牟令池瓊又有池仲魚城門失火仲魚燒死故諺曰城門失火殃及池魚廣韻

澍按瓊一作瑗事見說苑

師氏樂人瞽者之稱自晉師曠之後始以為氏漢有東海師中作雅琴師氏八篇辯證

澍按博古圖周有師餘又殷有師涓師延魯有師乙師摯師金鄭有師叔師攄魏有師經未必皆後于師曠是師姓久矣不自曠始也而氏族畧引云師氏師樂人瞽者之稱晉有師曠魯有師乙鄭有師攄師觸師蠲師成與此異

師尹氏師尹三公官也以官為姓周有尹喜尹吉甫孔穎達毛

詩疏

澍按金石錄補引作三公官氏也又按崧高詩注云尹官氏也蓋以尹為官以吉為姓不連師字

尸氏其先封尸鄉後以為氏秦有尸佼為商君師著書廣韻

澍按氏族畧引云尸氏其先封尸鄉因以為氏齊相有尸臣與廣韻引不同又按漢書注尸子魯人鞅死佼逃入蜀作尸子二十篇凡三萬餘言魯一作晉

邳氏奚仲為夏車正自僻封邳今泗州故下邳郡即其地也其後為氏後漢有衛尉信都邳彤廣韻氏族通鑑注

澍按邳彤在雲臺二十八將中字偉君

伊氏即伊祁氏之後也裔孫伊尹名摯相湯生陟奮漢有議郎伊推又伊嘉為雁門都尉石顯黨氏族略

澍按水經注百蟲將軍顯靈碑云將軍姓伊氏諱益字  
隕啟帝高陽之第二子伯益者也是化益姓伊矣又云  
有莘氏女采桑伊川得嬰兒于空桑中言其母孕于伊  
水之濱夢神告之云云莘女取而獻之命養于庖長而  
有賢德殷以為尹日伊尹也是伊以地為氏者又按儒  
林傳伊推為公羊學官侍郎嘉又為御史中丞王莽封  
伊彖奉伊尹後

纍氏嫫祖之後或為纍氏左傳晉七輿大夫纍虎辯證

澍按氏族略引無或為纍氏四字纍虎與共華叔堅雖  
歛特宮山祁等皆里克平豹之黨

鴟夷氏范蠡適齊為鴟夷子皮後人以為氏辯證

澍按氏族略引云鴟夷氏本范蠡自號也視此略

皮氏周卿師士樊仲皮之後漢有皮尙後漢有諫議大夫

皮究氏族略

澍按樊皮字仲文此則以名為氏者非樊仲皮也又按  
漢有度尙無皮尙有皮常當係鄭氏引譌非仲瑗原文  
有誤也漢有涼州刺史皮揚見西羌傳儒林傳滿昌授  
齊詩于琅邪皮容鄭氏引作究字亦誤

資氏資成陳畱人氏族略

澍按陳畱風俗傳云資黃帝之後食采益州資中因以  
為氏又按資成係後周時人鄭氏引誤仲瑗原文當與  
圈稱傳語同也資成云云係後人增益者

司寇氏蘇忿生為周武王司寇後以官為氏禮記司寇惠  
子魯大夫廣韻氏族略

澍按辯證引云司寇氏蘇忿生為周武王司寇支孫氏  
焉無末數句

司鴻氏古有司鴻苟著書漢有諫議大夫司鴻儀證辯

澍按氏族略引作中大夫一引諫下無議字

司馬氏出程伯休父重黎氏世序天地封為程國伯休父字也其後為司馬氏氏族略

澍按左傳晉有司馬寅司馬齊秦有司馬錯衛有司馬食其司馬狗國策魏有司馬喜

司功氏晉大夫有司功景子士丐弟佗因官氏焉氏族略

澍按路史注引無士丐以下八字世本云晉士丐弟佗為晉司功以官為氏與此微異

期思氏楚大夫居期思城因以為氏證辯

澍按廣韻引云期思氏有期思國又按期思在汝南郡故蔣國琴操有期思革子一作思革子

期氏楚期思公復遂之後有去思者單為期氏證辯

澍按廣韻引云期氏有期思國

訾氏帝嚳妃訾姬氏女之後氏族略漢有樓虛侯訾順急就篇注

澍按國策趙簡子家臣訾祐袁山松書沮僑死其督戰訾寶負尸埋之又按姓苑云訾本出祭氏說誤

綦母氏漢有廷尉綦母參戰國策綦母子與公孫龍爭辯氏族略

澍按左傳晉有大夫綦母張國策之綦母生即綦母恢又按漢胡母班蔡邕集作綦母班劉表與綦母闔共定五經章句

旗氏齊卿公孫寵之孫欒施字子旗子孫以王父字為氏後漢有九江太守旗況氏族略

澍按廣韻引作旗光鄧名世辯證作旗況鄭樵又作旗況宜以孫恂作旗光為是

差氏人姓急就篇

澗按左傳疏云差車鮑氏臣又按哀公十六年楚子問帥于太師子穀子穀曰右領差車與左史老皆相令尹司馬以伐陳其可使也是齊楚俱有差車

威氏齊威王之後廣韻武陵威生不識母見一老婦供養為母也證

澗按氏族略引云威氏齊威王之後以田氏始王故其後以為氏此是釋威王氏複姓也通志引于威氏下誤矣

威王氏漢有中郎威王弼出自楚威王後廣韻

澗按氏族略引作漢有威王弼無中郎字亦未引末句肥氏其先有封肥鄉者戰國策趙賢人肥義之後漢有肥韶英布將肥赫又仁恕掾肥親氏族略

澗按姓纂引云肥氏漢有肥韶英布將肥赫又按靳歙傳斬趙將賁郝注音肥釋儒林傳淮南賁生受詩于韓

嬰成帝時有郎賁麗善為星注音肥

非氏周有非子伯益之後漢有大司農非調廣韻

澗按韻會引云周有非子即嬴秦祖不知何據百官表

非調由光祿大夫為司農亦見河渠志又按谷朗碑與

永寧侯相碑非子皆作扉子

魚氏宋公子魚賢而有謀以字為族有魚石魚府廣韻

澗按氏族略引云宋桓公子公子目夷字子魚子孫以

王父字為氏漢有長安富人魚翁叔

魚孫氏宋魚石奔林之後羅泌路史注

澗按魚石奔楚其孫在國者因以為魚孫氏羅泌引奔林林字脫下體正竝有關文宜云魚石奔楚其後以魚

孫爲氏也

余氏秦由余之後

廣韻 氏族 通鑑注

澍按國語潞洛泉余滿皆赤狄隗姓也應氏說疏

夫餘氏吳公子夫概奔楚其子在國以夫餘爲氏今百濟

王夫餘是也

廣韻

澍按其子在國氏族略引作餘子在吳無末句

諸氏漢有洛陽令諸於

廣韻 容 齊隨筆

澍按漢洛陽令諸施諸音詐從工從白非諸於也因形

近而譌又按呂氏春秋齊簡公之臣諸御鞅說苑楚人

諸御己又云越有諸發執一枝梅遺梁王

諸葛氏葛嬰爲陳涉將軍有功而誅漢文追錄封其孫諸

縣侯因以爲氏

廣韻 裴松之吳志注 氏族略 通鑑注

澍按一引無軍字文下有帝字封下無其孫二字又一

引無縣字均脫誤漢有司隸校尉諸葛豐濟陰太守諸

葛禮

儲氏齊大夫儲子之後王莽時有儲夏

後漢書注

澍按漢書儲夏自請願說瓜田儀莽以爲中郎東觀漢

記光武敕趙熹從騎都尉儲融受兵二百人通利道路

鮑永傳光武遣諫議大夫儲大伯持節徵永永收繫大

伯

渠丘氏晉有渠丘公乃莒也

路史國名記

澍按左傳成八年申公巫臣會渠丘公注曰城陽縣有

渠丘里寰宇記莒子朱居爲渠丘公莒邑也楚子重伐

莒圍渠丘者齊亦有渠丘乃雍廩邑

母車氏漢有樂安母車伯奇爲下邳相有主簿步邵南時

人稱母車府君步主簿

廣韻

於陵氏陳仲子齊世家辭爵灌園于於陵因氏焉漢藝文志有於陵欽急就章注

澍按列女傳有於陵子終即陳仲子又按於陵欽著易吉凶二十三卷

區氏歐冶子之後轉區氏又音歐王莽時有郎中區博吳有區景長沙人至蒼梧太守氏族略

澍按博為中郎將非郎中又按水經注區景乃蒼梧太守長沙吳巨之都督也景為步騭所殺未為太守此文有脫誤桂陽太守周憬碑有曲紅長區社字景賢

沮氏也黃帝時史官沮誦之後漢有射聲校尉沮儁漢書注

澍按呂氏春秋晉侯使沮虜賊趙盾左傳作鉏麇韓子吳有蹙融與沮衛犒荆袁山松書曰沮儁年二十五為李催殺其耆戰訾寶負其尸而瘞之又按袁紹謀士沮

授廣平人袁尙將沮鵠守邯鄲死于戰

瞿氏漢有漢南太守瞿茂急就章注

澍按莊子齊物論瞿離子問于長梧子而太平寰宇記漢時蜀有瞿離子登仙疑樂史說誤

巫氏凡氏于事巫卜陶匠是也漢有冀州刺史巫捷廣韻

澍按氏族略引云巫氏商有巫賢漢有冀州刺史巫捷又有巫都著養性經又按光武時淄川巫炎字子都有陰道之術即此人

須姓太昊之後廣韻太昊之後裔須句國之後路史注左傳楚

有須務本史記魏有須賈通鑑注漢功臣表有平陸侯須無

辯證

澍按漢有須誦為郡主簿獲臯詣獄引械椽口出齒獲免見東觀記



盧氏古盧子國後有盧氏國名記

澍按國語注廬楚邑戢犁為廬大夫其後以為氏

蒲氏漢有詹事蒲昌又有蒲遵廣韻氏族略

澍按蒲衣八歲為舜師蒲姓始此又有扈氏之後有蒲

氏蒲昌潁川人字君都受詩于匡衡或作滿意

屠氏漢未有屠景先河東人氏族略

澍按晉太史屠柔預知晉君中山國之亡見呂氏春秋

淮南子諸書又晉有屠蒯屠岸賈秦有都尉屠睢

屠門氏琴引有秦屠門高路史注

澍按一引秦下有倡字王莽傳有杜陵屠門少假號稱

漢將

胡母氏本陳胡公之後也公子完奔齊遂有齊國齊宣王母弟別封母鄉遠本胡公近取母邑故曰胡母氏也漢有

執金吾胡母班廣韻後漢書通鑑注

澍按漢末名士傳云班字季皮太山人少與山陽度尚

東平張邈等八人竝輕財赴義振濟人士世謂之八厨

列仙傳胡母班為太山府君齋書詣河伯河伯貽其青

絲履甚精巧事極恠又按秦本紀有太史令胡母敬作

博學篇儒林傳有胡母生即胡母子都公芋壽之弟子

齊人為景帝博士董仲舒著書稱其德年老歸教于齊

齊之言春秋者宗事之夏侯孝若集辛憲英外孫胡母

暢上夫人錦被乃反臥

胡非氏胡公之後有公子非其後子孫因以胡非為氏廣韻

戰國有胡非子著書纂姓

澍按胡非子墨翟弟子蒧文志有胡非子三篇

壺氏漢有諫議大夫壺遂廣韻大鴻臚壺充國纂姓

風俗通如曰篇一  
三  
澗按史記晉世家有壺叔呂覽作陶狐說苑作陶叔狐  
壺遂與司馬遷共定律厯壺充國隨司馬相如開西南  
夸者袁宏漢記有侍中壺崇百官表執金吾壺信英雄  
記有冀州牧壺壽

塗姓塗山氏之後

後漢書注

漢有諫議大夫塗惲

廣韻氏族略

澗按塗惲字子真杜陵人受尚書于胡常氏族略以子  
真與惲爲二人誤矣

西鄉氏宋大夫西鄉錯之後見世本尸子有隱者西鄉曹

辯證氏族略

澗按路史注引無之後以下十一字

洼氏洼音圭漢有大鴻臚洼丹

廣韻漢書注

後

澗按洼丹字子玉南陽人作易通論七篇易家宗之見  
儒林傳又洼弘字孟爲符節令從嬴公受春秋一作眭

弘

黎氏九黎之後尙書西伯戡黎亦見毛詩

氏族略

澗按呂氏春秋武王封堯後于黎氏廣韻黎侯國之後  
鞮氏晉銅鞮伯華之後晉之別邑也又有銅鞮氏

氏族略

澗按鞮氏當是周官鞮人以官爲氏者鄭樵以爲東鞮  
之後誤矣

稽氏黃帝臣太山稽之後稽黃秦賢人也漢貨殖有稽發

氏族略

來氏子姓商之支孫采食于邾因以爲氏其後避難去邑  
齊有來章秦末徙義陽之新野楚有來英漢功臣表軼侯

來蒼

氏族略

澗按來蒼在高祖時明帝世有度遼將軍來苗

哀氏魯哀公之後因謚以爲姓漢王莽時有哀章梓潼人

後漢書注  
急就章注

澗按哀章袁宏漢紀作衰章莊子衛人哀駘它貌惡魯  
哀公召而觀之是哀公時已有哀姓何得云為哀公後  
乎

臺氏金天氏裔孫日臺駘其後氏焉漢有侍中臺崇廣韻  
後

漢書  
注

澗按山陽公載記臺作壺為曹操所殺袁宏紀誅侍中

壺崇討有臯也逸民傳有臺佟字孝威鄴人隱武安山

枚氏六國有賢人枚被通鑑  
注

澗按司馬貞云蓋以銜枚為氏也孔叢子魏有枚彥又

按漢宏農都尉枚乘子皋淮南人王莽時越嵩太守枚

根淮南王客枚赫

裴氏伯益之後後漢書注漢有敦煌太守裴遵姓  
纂

澗按非子孫鍼封豷縣號豷君因為氏六世孫陵當  
周僖王世徙封解邑乃去邑從衣至光武時裴遵自雲

中徙居河東

真氏漢有太尉長史真祐廣韻  
氏族略

澗按呂氏春秋禹得皋陶化益真窺橫革之交五人佐

禹是真氏始夏世也漢有太醫令真欽董賢使求傅氏

臯者

申徒氏本申屠氏隨音改為申徒氏申徒狄夏賢人也湯

以天下授之恥以不義聞也自投于河申徒嘉兀者鄭人

也見莊子漢有西河太守申徒建氏族  
略

澗按急就章引云申屠氏申屠狄後也今莊子云申屠

嘉兀者也與鄭子產同師于伯昏無人鄭樵引脫嘉字

據補又按建先為更始繡衣御史後為西屏大將軍文

帝時丞相申屠嘉七世孫申屠剛又申屠蟠字子龍百官表有茂陵申屠博次孫為京兆尹

垣氏秦邑也因以為姓秦始皇將有垣齒漢西河太守垣

恭後漢書注

垣按今史記作桓齒東觀漢記垣副以漢中亭長降宗成自稱輔漢將軍氏族略引云後漢公孫述傳南陽人宗成起兵為其將垣副所殺又一引云西河太守略陽垣恭也

新垣氏魏將新垣衍畢公高之後漢書文帝時新垣平善望氣也氏族略

垣按陳畱風俗傳畢公封于新垣後因氏焉魏將新垣衍後改為梁垣氏孔叢子魏有新垣固

春氏楚相黃歇春申君之後氏族略

澍按尚書大傳齊宣王時有春子名衛呂氏春秋齊有春居一作香居未必係黃歇後也在黃歇之先

神氏神農之後漢有騎都尉神曜廣韻

澍按路史注引云漢有神曜出神農又按黃帝臣有神皇直與力牧等討蚩尤者神氏宜出此

頻氏漢有酒泉太守頻暢廣韻·容齋隨筆

澍按氏族略引作頻陽誤  
澍于氏春秋時之小國也桓公五年不復其國子孫以國為氏氏族略

澍按一引未有云其地本在密州高密為杞所并遷江南又按秦有澍于越齊有澍于髡漢有大司農澍于賜水衡都尉澍于長太原太守澍于信太倉令澍于意又校麻律昏明宦者澍于陵渠

倫氏黃帝時樂人伶倫之後或單為倫氏

廣韻 辯證 氏族

澍按伶倫氏一作洽淪又作洽綸淪綸集韻音鯨疑非

鈞氏楚大夫元鈞之後漢有侍中鈞喜

廣韻

澍按氏族略引作御史非  
文氏出文王路史注周文王支庶以謚為氏越有大夫文種

澍按支庶一作支孫文種字子禽見越絕書左傳楚有文無畏呂氏春秋吳王闔閭臣文之儀墨子作文義陳有大夫文之錯漢有廬江文翁名黨

勤氏魯大夫有勤成

路史注 辯證 氏族略

芸氏晉有大夫芸賢本雲姓春秋時改芸

纂姓

澍按戰國策晉大夫有芬質此作芸賢氏族略又引作芬賢未詳孰是姑分載之

芬氏晉大夫芬賢見戰國策

氏族略

殷氏氏于號唐虞夏殷是也

王應麟急就章補注

澍按廣韻云武王克紂子孫分散以殷為氏又按國策衛有殷順且秦有會稽太守殷通東觀記殷肅與班固善一作段肅儒林傳方房授易于東海殷嘉嘉為博士又陳翁生授尚書于琅邪殷崇百官表中尉殷容

聞人氏少正卯魯之聞人其後氏焉漢有太尉聞人襲又太子舍人聞人通漢論石渠至中山中尉

後漢書注

澍按氏族略引云少正卯魯之聞人其後遂以聞人為氏然聞達之人皆謂之聞人何必少正卯以惡聞也漢有太子舍人間人通漢沛人治后氏禮通鑑注引無漢有以下二十三字又按襲字定卿通漢字子方均沛人

園氏氏于居城郭園池是也漢四皓園公

廣韻

澗按園公陳雷傳作園公一云園公名庾襄邑人

軒轅氏軒轅即黃帝也姓公孫或言姬姓亦省作軒氏漢有諫議大夫軒和氏族略

澗按路史蒼林氏之後有軒氏

軒丘氏楚文王庶子食采于軒丘其後為氏漢有梁相軒丘豹路史

澗按軒丘豹見梁孝王傳

尊氏太昊之世諸侯尊盧氏之後路史注

澗按廣韻引無太昊之世諸侯六字律麻志有侍郎尊大諸姓書將大連下典星讀誤甚

屯氏混沌氏太昊之良佐漢有屯莫如為常山太守蕭該漢書

音義 急就章 王應麟困學紀聞

澗按儒林傳作毛莫如少路顏師古注毛亦作屯也廣

韻云後蜀錄有法部尚書屯度原注徒渾切與蕭該音徒本反不同姓苑云屯氏渾沌氏之後去水為屯漢有太山守屯莫誤去如字又以為太山守非也少路係太山人魯伯授易者

元氏魏武侯公子元食邑于此因而遂氏焉前漢書地理志

澗按姓纂引云元氏魏武侯公子元之邑其後以為氏一云元氏出衛元咺之後

孫陽氏秦穆公時孫陽伯樂善相馬漢有侍御史孫陽敖姓源韻譜 賈執英賢傳

澗按鄭樵引作秦穆公子誤矣孫陽字伯樂亦稱孫叔又曰孫明即郵無政郵良也顏師古以伯樂與王良時代不同敖鄧元亞作放

賁氏秦非子之後魯有賁浦賁音奔又音肥漢功臣表有

賁赫告黥布反封期思侯氏族略

澍按漢書音義引云賁氏秦非子之後漢有賁赫一引云漢有郎中賁光又按賁赫即肥赫仲遠不宜又作奔音讀也董憲將賁休舉蘭陵城降臧宮李賢注賁音奔益氏盆成括仕齊孟軻知其必死其子逃難去成爲盆氏漢有中郎將盆謚辯證

澍按晏子春秋景公宿于路寢之宮夜分聞西方有男子哭者公悲之明日鞫問于晏子對曰西郭徙居布衣之士盆成适也父之孝子兄之順弟也又嘗爲孔子門人今其母不幸而死耐柩未葬家貧身老子孺忍力不能合耐是以悲也是适與景公同時學于孔子與孟子徒別一人

盆成氏盆成括仕齊孟軻知其必死其子逃難改氏成焉

廣韻

根氏魯邑名以爲氏根牟子古賢者著書路史注

澍按辯證引云六國根牟子無古賢者三字姓苑云根牟子周人陸機毛詩草木鳥獸蟲魚疏卜商爲詩序授魯人曾申申授魏人李克克授魯人孟仲子仲子授根牟子根牟子授趙人荀卿又按根牟曹姓子魯宣公取之左定王七年杜注琅邪陽都東之牟鄉城樂史云根牟國即密之安丘

恩氏陳大夫成仲不恩之後廣韻

澍按恩氏宜出伯益子恩成之後統譜引云陳大夫成恩之後有脫字

丹氏堯使子朱居丹淵爲諸侯晉有大夫丹木急就章廣韻

澍按晉大夫先丹木此云丹木誤又按路史引云丹朱

子陵以父封為氏漢長安富人丹玉鄧名世引作丹玉君君一引作居

安氏漢有安成為太守廣韻氏族通鑑注

澍按姓書皆以安出昌意之子安也班固云安姬姓今壽之安豐葑漢書武五子傳昌邑王賀相安樂

冠氏古賢者鵠冠子之後廣韻氏族略

澍按鵠冠子楚人與馮驩善

但氏漢有巴郡太守但望字伯闔太山人纂姓

澍按王莽傳西域都護但欽又西域都護但護濟陰太守但巴

蠻氏荆蠻之後本姓盤急就章

澍按氏族略引云左傳楚圍蠻氏

瞞氏荆蠻之後本姓蠻其支裔隨音變改為瞞氏廣韻

澍按辯證引云後世音訛遂為滿氏或日本姓盤改焉左傳衛有司徒瞞成

關氏關令尹喜之後一云夏大夫關龍逢之後漢有長水校尉關陽廣韻氏族通鑑注

澍按韓非子鄭大夫關期思漢河隄謁者關竝護羌校尉關寵公孫瓚將關靖

環氏出楚環列之尹後以為氏楚有賢者環淵著書上下篇漢河東太守環餘朱寵友人環玉都纂姓

澍按環淵即蠓淵亦即蜎淵也又按隗囂將環安公孫述將環饒吳有環濟著要略

班氏楚令尹闞班之後廣韻

澍按秦人班壹避地樓煩生孺孺生長長生稚稚生彪彪生固後有超勇伯嗣游始見漢書



山氏古烈山氏之後晉大夫山祈為七輿大夫漢有武都

太守山昱氏族略 辯 急就章

澍按王莽封山遵奉皋陶後列仙傳山圖隴西人後漢

黃門令山冰與陳蕃同坐免

千氏漢有蜀郡都尉千獻急就章

澍按氏族略引作千獻非也魏略武都氏帥有千萬

縣氏縣成父孔子門人漢有甘陵相縣芝吳中書令縣默

氏族略

澍按路史康叔之後有縣氏禮記有縣瑣縣賁父

弦氏弦子之後楚滅弦弦子奔黃以國為氏左傳鄭有商

人弦高辯 證

澍按廣韻引云弦氏弦子之後左傳鄭有商人弦高晉

有弦超又按弦高使其友奚施先告鄭自以牛犒秦師

見淮南子弦超乃魏濟北郡人與神女成公智瓊遇者

此句非應氏原文孫恂誤引也宜作弦施即弦多齊有

大夫弦章字子旗韓非作弦商新序作弦寧漢有弦訢

為博士見儒林傳

宣氏宋宣公之後氏于謚子孫以謚為氏路史 漢馮翊雲

陽人宣秉字巨公為大司徒司直子彪為弇太守辯 證

澍按氏族略引云宋宣公之後也子姓後漢有司空宣

鄂漢年表有安南侯宣虎急就篇注引云宣氏周宣王

之後漢有宣義宣虎

弇氏弇都古諸侯國也子孫以國為氏氏族略 通鑑注

澍按國名記引云弇氏出古弇都弇都少昊時諸侯又

按列仙傳弇谷河間人無景

田氏陳公子完始食采于田由是改為田氏史記 注

澍按索隱云據史文敬仲奔齊以陳田二字聲相近遂為田氏正義云敬仲既奔齊不欲稱本故國號故改陳字為田氏二說與仲瑗說異

鮮氏武王封箕子于朝鮮其子食采于朝鮮因氏焉後漢書注  
澍按鮮于血脉譜云子佗之子曰文生而有文在手左日魚右日芊遂姓鮮氏又按漢有鮮遂著太乙保生論一卷

鮮于氏武王封箕子于朝鮮其支子仲食采于于因以鮮于為氏通鑑注漢有平原郡尹鮮于褒纂姓  
澍按漢書注引云武王封箕子于朝鮮其子食采于朝鮮因氏焉又按第五倫傳倫始以營長謁郡尹鮮于褒褒異之署為吏後又薦倫于京兆尹閻興陰興傳有上谷鮮于褒宜即褒字相似而易漢有鮮于安人善星厓

光武時清河太守鮮于冀幽訟事見水經注

虞氏陳留有虞氏黃帝之後莊子有虞天根氏族略

澍按路史顓頊之孫虞仁又文王之後有虞仁氏黃帝之子十四人中無虞姓也當從羅泌謂出于顓頊者近是又莊子虞天根或引不連虞字以天為姓繁陽令楊君碑陰有故民虞進字仲進楊震碑陰有馮翊虞建侯虞氏閔子騫之後後漢騫宏就篇注急

澍按氏族略引云仲尼弟子閔子騫之後其孫文以王父字為氏閔損字子騫正字通引云漢金城騫包誤按包為吐谷渾視熊博士宏漢質帝時避地昆吾為金城別駕因家焉包乃其後應劭漢末人安得引之熊西秦錄作羆

顓孫氏陳公子顓孫仕魯因氏焉其孫顓孫師字子張為

孔子弟子生申祥娶子游之女辯證

澍按說苑公孟子高問君子之禮于顓孫子英與曾子同時英一作莫

蕭氏宋樂叔以討南宮萬立御說之功受封于蕭列附庸之國漢相國蕭何即其後也廣韻

澍按唐表蕭氏為微子宋公之弟仲衍八世孫戴公生子衍裔孫大心平南宮長萬有功封于蕭以為附庸子孫因以為氏至漢丞相鄧文終侯何二子遺則則生彪始徙蘭陵又按儒林傳五經名儒蕭望之東海孟卿事蕭奮以禮授后蒼魯閭丘卿又胡常授穀梁春秋子梁蕭秉君房王莽時為講學大夫

刁氏齊大夫豎刁之後廣韻戰國時有刁勃漢有刁閒齊人以富聞子孫居勃海後漢有侍中刁榮氏族略

澍按豎刁寺人安得有後漢陽嘉四年初聽中官養子為後周時安得有此辯證引云刁勃之後為是又漢戊己校尉刁護後漢彭城人刁韞在朔鯁東海刁子都起兵眾六七萬更始拜為徐州牧一作力子都復古編刁宜作貂刁貂聲同而字異本一姓也

聊氏漢有聊蒼為侍中著子書號聊子又有聊謀為潁川太守著萬姓譜子孫因官為族廣韻辯證

澍按聊齊地殆大夫食采子孫以為氏也聊蒼嚴助傳作膠倉趙人武帝時

繇氏咎繇之後辯證漢有西部督郵繇延姓纂

澍按繇延見鄧暉傳歐陽欽教稱其天性忠直到暉以延資性貪邪外方內圓也又按菽文志有繇敘兵執一篇或謂即由余非是

麋氏鹿秦邑也秦始皇將軍鹿公之後漢有太守鹿宣急就

篇漢有鹿祀魯有鹿故證

澍按索隱云鹿公蓋鹿邑公史失其名又按韓勅碑有

涿郡太守魯鹿次公樂安相鹿季公又碑有鹿恢元世

魯人

鼂氏衛大夫史鼂之後漢有御史大夫鼂錯廣韻通鑑注

澍按一云周景王子王子鞞之後鞞亦作鼂儒林傳錯

受尚書于伏生石門碑有鼂漢疆

饒氏漢有饒斌為漁陽太守廣韻

澍按路史饒嵬姓齊大夫采邑以為氏姓苑臨川人有

饒姓漢有魯陽太守饒威因家焉纂文云漢中常侍饒

喜

徭氏東越王徭句踐之後其後以徭為姓漢有將軍徭偉

後漢書注

澍按東觀漢記作淫偉又按徭偉為更始鎮淮陽反擊

走張卬為岑彭攻破見岑彭傳

搖氏東越王搖句踐之後廣韻

澍按漢功臣表海陽齊侯搖毋餘以越隊將從破秦以

都尉擊項籍侯王子侯表有搖未央即母餘子孫之子

僑氏黃帝孫僑極之後氏族略

澍按僑一作螭又作橋少典娶有僑氏亦作有橋也賈

逵云古諸侯

高陵氏秦昭王弟高陵君之後漢有諫大夫高陵顯急就章

澍按項羽本紀宋義使於齊道遇齊使者高陵君顯張

晏日顯名也高陵縣名晉灼曰高陵屬琅邪然秦之高

陵不在琅邪也此人與齊使同姓名

高堂氏齊卿高敬仲食采于高堂因以為氏

氏族略通鑑注

澍按國名記引云高堂氏高傒采又按漢儒林傳高堂生傳士禮十七篇謝承云秦氏季代有魯人高堂伯則伯是其字生者漢已來儒者皆號生亦先生者省字呼之耳翟酺傳有尚書令高堂芝

苗氏楚大夫伯芬之後賁皇奔晉食采于苗因而氏焉

廣韻

通鑑注漢有長水校尉苗浦王莽時有苗訢氏族略

澍按說苑上古醫曰苗父是苗姓遠矣苗訢王莽司中

也又按更始幽州牧苗曾靈帝時大長秋苗祀又有中

常侍苗光苗萌

毛氏毛伯文王之子也見左傳漢有毛樛之為壽張令

筆韻

義音

澍按穆天子傳有毛班國策趙有毛遂儒林傳魯伯授

易于泰山毛莫如少路莫如至常山太守毛公趙人治

詩大毛公名萇小毛公名亨

敖氏顓頊師大敖之後

廣韻

澍按路史注引大敖上無師字又云梁析亦謂顓頊大

敖之後詩云薄狩于敖是也

皋氏皋陶之徒左傳越大夫皋如漢有司徒長史皋誨氏族略

澍按皋如吳越春秋作句如韓詩外傳有皋魚漢有東

平尉皋丹翟義以丹為御史大夫見翟義傳揚州從事

皋宏桓榮薦為議郎見謝承書

陶氏凡氏于事巫卜陶匠是也漢有陶舍陶青

急就章

澍按左傳成王封唐叔殷民七族有陶氏又周司徒陶

叔晉大夫陶狐亦曰陶叔狐漢書百官表開封侯陶青

風俗通姓氏篇上  
為御史大夫生丞相陶青

阿氏阿衡伊尹號其後氏焉廣韻

澍按辯證氏族略引云伊尹為阿衡子一作孫以官為

氏又按大荒南經不死之國阿姓是阿姓遠矣

過氏過國夏諸侯後因為氏漢有兗州刺史過栩廣韻漢書注

澍按栩辯證引作羽正字通引作朽均誤又按風俗通

栩作翔百官表有大行令過期風俗通又云光武中興

以來五曹詔書題鄉亭壁歲補正多有闕繆永建中兗

州刺史過翔箋篋卷別改著版上一勞而永逸

那氏鞞那東夷也以國為氏其後單姓那氏辯證氏族略

澍按東觀記那刪字次孫早孤以孝聞

麻氏齊大夫麻嬰之後漢有麻達注論語又有麻光為御

史大夫廣韻路通鑑注

澍按氏族略引無末句呂氏春秋麻鞞相馬酷吏傳有

麻戊律麻志麻光明麻法為大司農中丞

沙氏晉有沙廣辯證氏族略

澍按路史宋微子後有沙氏鞞陽國志沙壺續漢書作

沙壺水經注作沙臺乃南夸姓

瑕丘氏魯桓公庶子食采于瑕丘子孫氏焉辯證項羽紀漢

有瑕丘申陽氏族略

澍按桓公一引作莊公漢書注孟康以為瑕丘人姓申

名陽非也文穎云姓瑕丘洞冥記有仙人瑕丘仲亦見

列仙傳

蛇音移氏高傒采高堂公子雍采于移後為氏齊棠公姜姓

故郭偃不娶之路史注

澍按蛇顏師古音移後人多讀為余考蛇丘本以地為

氏宜如字讀

蛇丘氏蛇丘公族采漢有蛇丘炳路史注

樹按蛇丘炳官侍御史又有河内太守蛇丘惑惑一作

彘

家氏出于周家伯為幽王太宰又家父為太宰其後氏焉

氏族漢有家羨為劇令廣韻

樹按魯有子家駒亦為家氏晉大夫家僕徒韓之戰步

揚御戎家僕徒為右見左傳

牙氏周大司徒君牙之後以字為氏廣韻

樹按氏族略引云周穆王大司徒君牙之後以王父字

為氏

方氏方雷氏之後辯證漢有方賀氏族略

樹按莊子黃帝臣方明為御古今人表堯時有方回百

官表有司隸校尉東海方賞君賓為左馮翊此作賀非

又謝承書方儲母死負土成墳鸞鳥栖樹

方叔氏鼓方叔之後也見世本漢功臣新壽侯方叔無咎

纂姓

陽成氏陽成胥渠晉隱士也漢有諫議大夫陽成公衡功

臣表梧齊侯陽成延傳封六代王莽時陽成修獻符命氏族

辯證

樹按陽成一作陽城桓譚新論陽城子張名衡為講學

祭酒蜀人即陽成公衡也百官表軍正陽成延為少府

王史氏周先王太史其後號王史氏漢有新豐令王史音

氏族略

樹按先王一引作宣王音鄧氏引作普又按清河太守

王史篆生音為新豐令執文志禮家有王史氏二十一

篇注七十子後學者劉向別錄云六國時人博物志漢西都時有醇儒王史威長

王人氏王人子突之後因氏焉漢有東平太守王人宰公

辯證  
氏族略

澍按一引東平作安平

皇氏三皇之後因氏焉左傳鄭大夫皇頡皇辰宋有皇氏世為上卿本皇父充石之後以字為氏漢有琅邪相皇運吳有青州刺史皇象工書氏族略

澍按皇氏出自子姓宋戴公子充石字皇父為宋司徒其孫南雍缺以王父字為皇父氏或去父稱皇氏

穰氏田穰苴諸田之族穰所食之邑也因以為氏穰苴為

齊大司馬氏族略

澍按竹書紀年梁將穰疵是梁亦有穰姓也穰疵呂覽

作襄庇史記義縱傳河內豪穰氏

將具氏齊太公子將具之後見國語漢藝文志六國時將具子彰著書五篇漢章帝時有謁者將具彌姓纂

澍按太公子一引作齊公子見英賢傳今藝文志作將鉅子

將匠氏漢官有將匠少府因官為氏吳中散大夫將匠或曲陽令將匠熙氏族略

抗氏衛大夫三抗之後漢有抗喜為漢中太守又有抗徐為長沙太守後漢書注

澍按廣韻引作伉喜為大中大夫謝承書曰抗徐字伯徐丹陽人少為郡佐史有膽智策略三府表徐有將率之任特選長沙太守

張氏黃帝第五子揮始造弦實張網羅世掌其職後因氏



焉又張王李趙皆黃帝所賜姓也見易是類謀廣韻

澍按莊子黃帝游具茨張若壽馬唐世系表以揮為少

昊青陽子則黃帝時何以有張若耶其說誤周有張仲

晉有張老張趨張骼張孟談張柳朔墨子作長柳朔智

伯臣張武秦有張若張唐韓有張翠楚有張旄燕有張

魁張尹魏有張儀

襄氏楚大夫襄老之後漢有襄楷急就篇

澍按襄乃以謚為氏者非襄老之後也左傳牢成御襄

罷師又襄伊死崔杼之難又按楷字公矩平原隰陰人

善天文陰陽之術魏相傳高祖時大謁者襄章

疆氏晉有大夫疆劍漢有疆華通鑑漢陽太守疆釋之氏略

澍按氏族略引疆作疆而疆華又入疆字下均誤又按

續漢書疆華潁川人疆音其兩反廣韻作巨良反

梁氏伯益治水封于梁路史注

澍按晉有大夫梁弘梁益耳梁由靡梁嬰父孔子弟子

梁鱣

嘗氏齊孟嘗君之後廣韻

澍按史記西南夷傳秦時嘗頰略通五尺道

蒼氏八凱蒼舒之後漢有江夏太守蒼英子孫遂為江夏

人氏族略

澍按一引云黃帝子蒼林高陽才子蒼舒蒼姓本于此

漢有江夏太守蒼英因官居焉遂為江夏人又按太平

寰宇記蒼野衛之賢人也

匡氏匡魯邑也句須為之宰其後氏焉廣韻漢有匡衡通鑑注

澍按孟子有匡章韓子齊宣王時有匡倩

商丘氏衛大夫食邑于商丘因以為氏漢有御史大夫程侯商丘成又有商丘子胥高邑人見列仙傳韻譜

澍按成以大鴻臚擊衛太子力戰獲反將張光封程侯征和間坐為詹事侍祠孝文廟醉歌堂下日出居安能鬱鬱大不敬自殺又按列子范氏之藏火子華日能入火取錦者從所多少皆予之商丘開入火往返而身不燒

芳氏漢有幽州刺史芳乘廣韻

澍按氏族略作芳垂敷辯證作芳華敷又漢有芳丹據新豐見馮異傳

堂氏堂楚邑也大夫五尙為之其後氏焉廣韻

澍按堂與棠通左傳之棠君尙即五尙也韓詩外傳堂衣若叩孔子之門

唐谿氏吳夫槩王奔楚封唐谿因以為氏漢有唐谿典為五官中郎將後漢書注

澍按唐谿即堂谿亦即棠谿也先賢狀典字子度太室西關銘典字伯并延篤傳注云字季度又按儒林傳唐谿惠授公羊春秋于冥都

昌氏出黃帝子昌意之後氏族略

澍按黃帝臣昌寓驂乘見莊子或云昌寓字廣成殷時女子昌容見列仙傳周昌佗見戰國策漢東海相昌豨見後漢書昌霸見魏志

橫氏韓王子成號橫陽君其後為氏廣韻氏族略

澍按氏族略引作韓公子咸誤後字作子孫索隱曰橫陽邑名在韓韓公子成初封橫陽君張良立為韓王也又按荀子橫革佐禹是橫姓不始橫陽君也羅泌云劉

後有橫氏

京氏鄭武公子段封于京號京城太叔其後氏焉漢有京房受易本姓李歙律自定為京氏急就篇

澍按廣韻引無受易以下十二字又按儒林傳之京房梁丘賀從之受易者非定考課法之京房也

乘氏楚大夫公子乘之後以王父字為氏又乘睢古賢人見世本漢有煮棗侯乘昌乘平聲或音贖又有乘弘治易為博士氏族略

澍按乘弘一作桑弘又北海相景君碑陰有書佐乘禹字伯度劇人乘平聲或音贖六字疑非仲瑗原文

卿氏趙相虞卿之後廣韻或云楚項梁將卿子冠軍之後戰國策有卿秦為魏將軍證

澍按史記燕王喜使卿秦伐趙則秦乃燕將也氏族略

引云或云項羽將卿子冠軍宋義之後也其說誤卿秦尚在壽又按孔宙碑有館陶卿瑱字仲雅

甥氏晉大夫呂甥之後廣韻

澍按陰館甥姓瑕呂名館甥亦曰呂甥

衡氏衡阿衡也伊尹官也見詩傳漢有衡咸為講學祭酒蕭該音義

澍按咸齊人字長賓為王莽講學大夫五鹿充宗授易者趙氏金石錄載後儀令衡立碑亦云出自伊尹

衡氏伊尹為湯阿衡子孫以官為氏一云魯公子衡之後子孫以王父字為氏漢有衛尉卿衡方急就篇氏族略

澍按廣韻引云阿衡伊尹之後鄧氏引云魯公子公衡之後以王父字為氏又按以官為氏氏族略引云以衡為氏又云漢有衡威衡驃卿誤今改正方字與祖平陸

人位至步兵校尉見漢碑儒林傳莒衡胡受田何易于

淄川楊何叔元漢又有浚儀令衡立字元節

衡伯氏伊尹之後路史注

荆氏漢有九江太守荆修容齋隨筆

澍按荆芊姓子壽季連封國荆楚一也春秋初書荆僖

公後始書楚國策魏有荆伯柳漢書公孫述騎都尉荆

邯

行氏周有大行人之官因氏漢有行祐為趙相後漢書注

澍按後漢書任城孝王國相行弘隗囂將行巡

弘氏衛大夫弘演之後漢五鹿充宗受學于弘成子成子

少吞五色石大如燕卵遂大明悟為天下通儒辯證衛大夫

弘演之後漢有宦者弘恭為中書令氏族略

澍按弘演鄧名世作弘延誤今改正

恆氏楚大夫恆思公之後見世本漢有東安長恆裴子孫

因居之氏族略

榮氏周成王卿士榮伯之後也後漢有京兆尹榮邵廣韻急

篇就

澍按廣韻急就篇皆引作營伯考周有榮伯無營伯也

今改正又按應劭漢官儀云以執金吾榮邵為左僕射

獻帝記司隸榮邵即其人邵邵邵三字必有一誤

嬰氏晉大夫季嬰之後廣韻晉大夫趙嬰齊之後氏焉辯證氏族略

城氏氏于居者城郭園池是也廣韻戰國策城渾南游于楚

辯證

澍按城渾周人說楚新城令者

勝屠氏即申徒氏也

史記漢有河東太守勝屠公姓

索隱漢有河東太守勝屠公纂

澍按漢繁陽令楊君碑陰有故吏勝屠王季嚴勝屠曜子節

丁若氏齊丁公子懿伯食采于丁因氏焉辯證漢有遂氏族略

興令丁若謀字堅固韻譜

澍按丁若謀姓纂作丁若賢字宏固氏族略引作晉遂

令丁若堅高密人疑誤

青陽氏青陽黃帝子國語曰青陽為己姓黃帝娶方雷氏

女生青陽少昊氏也後世以為氏漢有東海太守青陽愔

又有東海王國中尉青陽精辯證

澍按氏族略引云青陽氏黃帝子也始得姓焉見國語

云云愔一引作倍

青烏氏漢有青烏子善術數廣韻

澍按風俗通引青烏氏書說雜者東方之牲也

青牛氏廣韻

澍按鄧名世引方技傳之封君達號青牛道士者誤宜

引老子之騎青牛其事在先也又按魏略初平中山東

有青牛先生者字正方客三輔曉知星厓風角鳥情常

食莞華青精年似五六十者人或親識之謂其已百餘

歲矣扈累年四十餘隨正方游學得其術又隨正方南

入漢中漢中壞正方入蜀

靈氏齊靈公之後或云宋公子靈圍龜之後晉有餓者靈

輒廣韻

澍按聖賢羣輔錄舜友靈甫漢功臣表有陽羨定侯靈

常神仙傳靈壽光扶風人

冷氏黃帝臣典樂冷倫之後左傳秦大夫冷至周有冷州

鳩漢功臣下相侯冷耳元帝功臣駟望侯冷廣氏族略

澍按洽倫一作伶綸或作伶鰥又按耳以客從入漢擊破齊田解軍堅守彭城扼布侯廣以涇沃公士告男子馬政謀反侯儒林傳顏安樂授公芊于淮陽洽豐次君豐淄川太守方術傳洽壽光行容成御婦人法水經注作靈壽光

伶氏周有大夫伶州鳩漢有護羌校尉伶徵後漢書注

澍按徵為邊章韓遂等攻殺徵一作徹又按呂氏春秋

周武君使人刺伶惺于東周伶惺僵令其子速哭日誰

刺我父也

冥氏夏禹後因國為氏漢有冥都為丞相史廣韻音義漢書

注

澍按蕭該音義引云冥侯國妣姓禹後見史記漢有冥都為丞相史又按冥都堂谿惠弟子泰山人治公芊春

秋見儒林傳

瓶氏漢有太子少傅瓶守廣韻後漢北海瓶巽字子然孔融

以其賢配社祭之辯證

澍按孔融傳作甄子然近人引後趙錄北海瓶子然誤

甚又按第五種傳種門下掾孫斌謂其友人同縣閻子

直及高密甄子然云云是子然高密人即孔融配社之

人也亦不作瓶

猷氏衛有猷康氏族略

澍按一引云漢有猷康隴西人

由氏秦相由余之後又楚大夫王孫由于有忠勇之節楚

人亦謂其族為由氏漢有由章至長沙太傅急就篇氏族略

澍按漢書儒林傳作申章昌為復姓氏族略引作長沙

太守由彰誤

牟氏牟子國祝融之後因氏焉漢有太尉牟融廣韻氏

注鑑

樹按史記田敬仲世家齊大夫牟辛牟融字子德北海安丘人周堪授尚書于牟卿為博士牟長受歐陽歙尚書為河內太守俱見儒林傳

牛氏漢有牛崇為隴西主簿馬文淵為太守芋喜為功曹涼部云三牲備具廣韻

樹按宰相世系表牛氏本目殷商封微子于宋其裔司寇牛父敗敵長丘死之子孫以王父字為氏漢有牛邯為護羌校尉因居隴西後徙安定再徙鶉鵒安定牛氏出自漢隴西主簿崇之後百官表齊相牛抵為御史大夫

犖氏晉大夫卻犖之後呂氏春秋云陳有惡人曰敦洽犖

麋狄顛廣額顏色如漆陳侯悅之廣韻

周生氏姓也漢有豫章太守周生豐後漢書注

樹按魏志有敦煌徵士周生烈晉中經簿周生烈字文逸本姓唐養于外家遂以周生為氏馮衍傳令狐略為司空長史讒衍于尚書周生豐注引豫章舊志云豐字偉防太山南武陽人也建武七年為豫章太守清約儉惠

州氏晉有州綽州賓其先食采于州因以為氏又涓于氏謂之州公其後亦為州氏姜姓春秋時小國也衛有公子州吁漢有州輔氏族略

樹按公子州吁名也以為姓州名吁誤博古圖亦同此謬穀梁作祝吁又豈姓祝乎州輔中常侍長樂太僕封吉成侯犖縣人姓書以為閭中人者誤即水經注所謂

州苞也

疇氏摯疇古之諸侯後有摯氏疇氏路史國名記

樹按氏族略引云疇氏摯疇之後或作儔急就章云越有疇無餘

丘明氏魯左丘明之後又云齊太公封于營丘支孫以地為氏世居扶風漢末丘俊持節江淮屬王莽篡位遂留江左居吳興也廣韻通鑑隨紀

樹按丘光庭兼明書引廣韻云丘氏魯左丘明之後也明日丘明出自齊太公之後不因丘明得姓漢藝文志左丘明姓左名丘明豈其子孫以父祖之名為姓乎且昭二十三年左氏有邾大夫丘弱則左氏為傳時已有丘氏非丘明之後也審矣

婁氏邾婁之國子孫或以婁為氏或以邾婁為氏陸終產

六子其第五子曰安賜姓為曹邾即安之後安之裔曰邾挾周初受封為附庸挾之後不得其名字十二世至儀父始通于大國魯隱公之元年與隱公盟于姑蔑其後為楚所滅齊大夫婁禔其後也氏族略

樹按今左傳作僕堙鄭夾際引誤史記漢高祖時有婁敬齊人為戍卒說高祖西都關中

謀氏周卿士祭公謀父之後廣韻以字為氏氏族略

鰈氏漢有人姓鰈名生急就章

樹按史記注引楚漢春秋鰈生本姓解

侯史氏董狐為晉侯史官因氏焉氏族略漢有侯史吳姓纂

樹按一引云漢有御史大夫桑弘羊吏侯史吳

侯寔氏颺叔安之後有侯寔氏路史注

投氏郇伯周畿內侯桓王伐鄭投先驅以策其後氏焉漢



有光祿卿投調元和姓纂

澍按呂氏春秋有相馬投伐褐相馬胷脅

投壺氏晉中行穆子相投壺因以氏焉廣韻

澍按姓苑云投壺氏東莞人

鍼氏衛有大夫鍼莊子廣韻

澍按鍼卽箴字左傳杜注鍼其廉反

箴氏衛大夫箴莊子之後姓纂

澍按一引云衛有大夫箴莊子

林氏林放之後廣韻

澍按逸周書史記解有林氏路史云比干死其子堅避難長林山爲林氏應說誤姓譜云平王世子林開之後又按莊子林回弃千金之璧列子林類年且百歲拾遺穗于故畦竝歌而進孔子適衛望見使子路訊之儒林

傳濟南林尊字長賓事歐陽高爲博士論石渠至太子太傅高祖功臣林摯斬章邯所置蜀守

斟灌氏夏諸侯也子孫氏焉氏族略

澍按桀臣有斟觀又按斟灌氏祝融之裔世本云妣姓

陰氏陰康氏之後周有陰不佞辯證氏族略

澍按史記龜策傳紂囚文王石室陰兢救之

陰氏管修自齊適楚爲陰大夫其後氏焉廣韻通鑑注陰采地

大夫陰忌陰不佞陰里其後氏焉急就章

澍按管修夷吾七代孫在陰忌等之後又文王時有陰兢則謂出陰康氏者是漢有陰識字次伯陰興字君陵皆光武后戚宣帝時陰子方之後也

岑氏古岑子國之後出姬姓周文王異母弟耀子渠武王

封爲岑子漢有岑彭廣韻急就篇

澹按彭字君然棘陽人官征南大將軍

澹臺氏澹臺滅明字子羽武城人漢有博士澹臺恭氏族略

澹按漢書儒林傳恭字伯敬會稽人又按陳雷風俗傳

曰陳雷縣裘氏鄉有澹臺子羽冢又有子羽祠民祈禱

焉京相璠曰今泰山武城縣有澹臺子羽冢縣人也未

知孰是寰宇記曰澹臺墓在吳縣南十八里平城又有

澹臺湖宜從京相璠說

堪氏八元仲堪之後廣韻

三閻氏三閻大夫屈原之後急就篇

澹按離騷序曰三閻之職掌王族三姓曰昭屈景序其

譜屬幸其賢良以厲國士

三鳥氏凡氏于職三鳥五鹿是也漢有沛上計三鳥羣古

三鳥大夫之後急就篇

澹按氏族略引云三鳥羣為上郡計

三飯氏三飯奈之後有三飯氏急就篇

三州氏三州孝子之後有三州氏急就篇孝子傳有三州昏

纂姓

奄氏奄國號即商奄也魯地衛祝佗曰因商奄之民以命

伯禽今兗州有奄城尚書成王既踐奄左傳秦大夫奄息

其後也氏族略

澹按奄息子車氏也應說非辯證引云周成王既伐奄

其子孫以國為氏

兼氏衛公子兼之後氏族略

聃氏周文王弟十子聃季載之後氏族略

澹按鄭夾漈云世系譜聃季載文王弟十七子周有聃

啟

邯鄲氏以國為姓漢有邯鄲淳急就篇漢有衛尉邯鄲義姓譜

澍按趙旃子勝是為須子食采邯鄲故曰邯鄲勝後有

邯鄲午廣韻引云邯鄲氏因國為姓也漢有衛尉邯鄲

義有按梁冀傳作廷尉袁敞傳梁冀擅鞞內外阿附惟

袁盱與廷尉邯鄲義正身自守即此人也漢有涼州刺

史邯鄲商為張猛殺

南鄉氏晉國高士全隱于南鄉因以為氏急就篇漢羽林左

監南鄉槐纂姓

監氏衛康叔為連屬之監其後以為氏漢有監居翁辯證

澍按呂氏春秋秦大夫監突韓子宋之富賈監止史記

田齊世家監止為齊簡公相注監一作闕闕止字子我

又按南粵傳注監桂林監也居姓翁名應氏以監為姓

誤史記秦使監祿鑿渠運糧韋昭云監御史名姓也

風俗通姓氏篇上

順德龍鳳鑣校棊



侯氏有侯子古賢人著書廣韻

澍按氏族略引云侯子著書六國時人漢菽文志有侯子一篇李奇注或作侔子

幾氏宋大夫仲幾之後以王父字為氏氏族略

澍按仲幾字子然此以名為氏者仲幾公子目夷之孫處氏史記趙有辯士處子著書故有處姓也後漢書注漢有北海太守處興廣韻

澍按路史伯益之後有處氏盧抱經本太守引作北海

相誤李章傳安丘大姓夏長思反囚太守處興據營陵城章發兵誅之興歸郡以狀上即是人也

所氏宋大夫華所事之後漢有所忠為諫議大夫史記正義後

漢書注後漢平原所輔氏族略困學紀聞

澍按氏族略引作所事脫華字又按穀梁隱九年俠卒

俠者所俠也是華所事之先魯已有所氏顏師古急就

章注所所斫木聲也古有虞衡之官因主伐木遂以為

姓據此非以王父字為氏也其說非徐文靖管城碩記

引後漢劉茂傳注所輔為所忠之子而以為字誤今本

劉茂傳章懷注云所姓也風俗通曰宋大夫華所事之

後也漢有所忠為諫議大夫並無所輔為所忠之子語

食貨志所忠言世家子弟富人或鬥雞走狗馬弋獵博

戲亂齊民又見司馬相如傳所輔見獨行傳以身代縣

令劉雄死太守以狀上除父奉為郎中也

禹氏禹之支庶以為氏路史注

澍按廣韻鄆子之後以國為姓去邑從禹漢孔宙碑陰

有故吏泰山南城禹規字世舉

甫氏出自炎帝裔孫伯夷為堯太嶽封其後為甫侯子孫

以國為氏廣韻

澍按甫與呂通尚書呂刑稱甫刑呂侯亦稱甫侯也急就篇引云甫氏甫侯之後周有甫瑕

府氏漢有司徒掾府悝廣韻

氏族略

澍按府氏出自周官內府外府世其官者以為氏

子獻氏齊大夫子獻之後也楚文王之時子獻遼為大夫氏族略

澍按辯證引云陳桓公孫子獻之後

子師氏出自鄭大夫子師僕之後漢有北平太守子師將

石辯證

澍按氏族略引脫石字又一引作子師磐

子弓氏子夏門人有子弓釋文

澍按史記商瞿傳易于楚人駢臂子弘正義云一作子

弓王弼論語注朱張字子弓荀卿以比孔子荀子子弓短楊倞注子弓蓋仲弓也

武氏宋武公之後氏于諡漢有武臣廣韻

澍按路史引云隱公時有武氏子又按武臣是秦末人

漢高祖時有武虎封梁鄒侯漢敦煌長史武班碑云昔

殷王武丁克伐鬼方元功章炳勳藏王府官族分析因

以為氏與應說不同夏臣有武羅仲遠以為宋武公之

後者非矣

武強氏漢武強侯王梁其後因封為氏廣韻

澍按路史云周頃王之孫武強滿為武強氏又按武強

城在陽武縣漢高帝六年封騎將莊不識武強侯先于

王梁矣應說誤

武成氏平原君趙勝封武成君因氏武成焉路史漢有武

成黑氏族

澍按定公元年蔡侯吳子唐侯伐楚武城黑謂子常曰  
吳用木我用革不可久也不如速戰注黑楚武城大夫  
應氏以為漢人誤武城作武成亦訛

五鹿氏五鹿衛邑也晉公子重耳封舅犯于五鹿支孫氏  
焉漢有少府五鹿充宗氏族略  
急就篇

澍按衛邑當作晉邑疑傳寫譌廣韻引云五鹿氏氏于  
職焉三鳥五鹿是又按儒林傳充宗字君孟受易于梁  
丘臨充宗授于平陵士孫張仲方張為博士至揚州牧  
光祿大夫給事中

魯氏凡氏于國齊魯宋衛是也戰國有魯仲連魯句踐漢  
有魯賜魯翁孺魯恭急就篇  
補注

澍按公羊傳有魯子莊子有魯遽

鬼谷氏鬼谷先生六國時縱橫家通鑑  
注

澍按程子鬼谷子姓劉名務滋鬼谷是其所居非姓鬼  
谷一作歸谷

古氏古公亶父之後因氏焉言古公者猶言先公也晉平  
公時有舟人古乘漢有孝子古初蜀有廣漢功曹古牧氏  
族  
略漢有東平憲王從官古霸急就  
篇

澍按後漢書注引云古姓周有古公亶父其後氏焉又  
按一引云太王去幽適岐稱古公其後氏焉古乘一作  
固乘又作固桑古初長沙人光武時遭父喪未葬隣家  
失火初匍匐柩上以身捍火火為之滅太守邳惲甄異  
之以為首舉見邳惲傳古牧廣漢人見蜀志

古成氏苦成子之後後隨音改焉漢有廣漢都尉古成雲  
氏族  
略

五王氏齊自威宣湣襄至王建五王建虜于秦因以為氏

旅氏周大夫子旅之後漢高功臣昌平侯旅卿傳封六代

圍疑應氏誤又有其嚴侯旅罷師漢高帝八年封近人  
戴震校水經注以旅罷師改為盧非也

虎氏漢有合浦太守虎旗其先八元伯虎之後廣韻  
氏族略

扈氏有扈氏之後趙有扈輒漢有扈雲為千人官廣韻  
急就篇  
有扈輒漢有上郡太守扈育廣漢太守扈商

邱氏漢有上郡太守邱柱廣韻

澍按集韻亦引作邱柱氏族略引作邱社宜作邱柱為  
是

豎氏豎闔寺之官賤者為之齊有豎刁後以為氏辯證

澍按禹臣有豎亥見山海經鄭大夫豎附見左傳豎姓  
出此豎刁奄人何得有後

采氏漢有度遼將軍采皝廣韻

澍按采紀姓黃帝子夷鼓始封于采為左人有采氏王  
符以采為任姓

宰氏周卿士宰孔之後有宰周公闕亦周太宰以官為氏  
也孔子弟子宰予字子我姓纂

隱氏漢有隱翁云隱公後急就篇

澍按吳人隱游能作木鳶魏安釐王時人見異苑又河  
間中尉隱哀哀一作襄見漢書吳廷尉左監隱蕃青州



人見吳志

滿氏荆蠻有瞞氏音舛變為滿氏廣韻一云胡公滿之後證

漢有滿昌氏族略

通鑑注

澍按漢儒林傳滿昌潁川人字君都傳尚書為詹事一作蒲昌又作滿意又漢有茂陵滿黔子橋為左馮翊見公卿表賈捐之傳薦謁者滿宣立為冀州刺史

蹇氏漢有蹇蘭為交阯刺史後漢小黃門蹇石氏族略

澍按蹇宜為太吳臣蹇修之後或秦大夫蹇叔後蹇石宜作蹇碩為上軍校尉也晉巴蜀流人亦有蹇碩見杜弢傳

筦氏周筦蘇楚大夫見呂氏春秋漢有筦路為御史中丞

蕭該音義

澍按筦蘇呂氏春秋作莧譔儒林傳疏廣授公羊于琅

邪筦路一作莞路

管氏管夷吾齊桓佐也見論語漢有管甝為西河太守蕭該音義

義

澍按漢有管少卿為燕令管霸為中常侍徵君管寧字

幼安

典氏漢有校尉典韋多力者生滿氏族略

澍按姓纂黃帝父少典襲封者有典氏典韋陳畱人為

曹操都尉

衍氏宋微仲衍之後氏族略

澍按論衡有零陵太守沈豐門下掾衍盛

廣氏廣成子之後氏族略

澍按廣出自廣武君之後漢有廣浩百官表中尉廣意又按謝承後漢書廣漢儒字叔林為東郡太守烏巢子

廳事屋梁免產于牀下

顯氏有顯甫為周卿見詩韓奕廣韻

勉氏漢有勉昂急就篇

澍按勉昂為上郡太守路史勉氏康叔後

摠龍氏陶唐氏之後有劉累學摠龍事夏孔甲賜摠龍氏

劉累之後也漢有侍御史摠龍羣氏族略困學紀聞

澍按王粲英雄記羣作宗也摠或作御

吳氏吳英氏之後一云少昊之後氏族畧路史注

澍按羅泌云氏姓重出亦多有之如賀氏楚出而慶亦

為賀來本邾後而來織亦為來孔氏宋後而孔達出于

衛孔張出于鄭陳又有孔盩齊有孔虺孫氏晉出而一

出于商一出于衛漢荀卿亦曰孫楚宋皆有司馬楚衛

皆著子南周楚之王孫既異于衛秦宋之王臣復別于

楚諸國之分侯姓三代之殊王氏不可勝數矣

矯氏晉大夫矯父之後也前漢右將軍矯望後漢有矯慎

後漢書注

澍按矯望矯慎字亦作矯見百官表逸民傳

老氏顓帝子老童之後也左傳宋有老佐論語老彭即彭

祖也或云老氏老聃老萊子之後竝無聞焉以其老也故

以老稱之遂為氏姓纂氏族略

浩氏漢有青州刺史浩賞急就篇注

澍按前漢五行志建昭五年兗州刺史浩賞禁民私所

自立社百官表賞為大鴻臚徙左馮翊翟方進傳有北

地浩商為義渠長所捕亡魏書王陵傳注有浩詳知星

東平人

浩芊氏齊大夫浩芊氏名嘉辯證氏族略

佼氏漢有佼彊周大夫原伯佼之後後漢書注

澍按原伯佼左傳作絞佼彊山陽人更始拜為橫行將軍見劉永傳

圈氏楚鬻熊之後有圈氏廣川書跋圈援也從國卷聲今市語

韋氏為圈家急就篇漢有圈稱篡陳雷風俗傳又有圈宣明

郭林宗傳有陳雷人圈文生氏族略黃長睿東觀餘論

澍按圈稱陳雷風俗傳自序云圈公之後圈公為秦博

士避地南山漢祖聘之不就惠太子即位以圈公為司徒一引風俗傳云秦博士周庚以常居圈故謂圈公路

史引風俗傳圈氏本出其國南陽葉縣南有卷城陳雷

志圈公名庚字宣明襄邑人始居園中因號園公或曰

姓圈名秉又按蔡邕集有圈典魏志注圈文生以貨穢

見捐郭林宗所謂文生多情也

我氏六國時有我子著書為墨子之學姓纂

澍按執文志有我子一篇

社南氏其先齊倡徙居社南因以為氏廣韻

社北氏齊倡有居社北者亦以為氏漢高煬一作場娶扶風

社北氏女辯證

蔣氏周公之亂也廣韻

澍按周公第三子伯齡封蔣子孫氏焉漢有蔣詡杜陵人字元卿

靖氏單靖公之後以謚為氏一云齊田氏之族靖郭君之

後廣韻氏族略

澍按周公子靖淵封邢為侯其子孫以王父字為氏也

有氏有巢氏之後仲尼弟子有若魯人漢有有祿氏族略漢

光祿勳有光急就篇

澍按有祿官尙書令王符潛夫論云有歸姓

糗氏漢有糗宗為羸長廣韻氏族略

壽氏吳王壽夢之後有壽越壽於姚吳大夫漢末兗州牧

壽良後漢書注氏族略

澍按秦有客卿壽燭魏有壽餘壽陽國志壽良字叔和

成都人良弟緝字文平官涪陵太守

耦氏宋卿雋耦之後漢有侍中耦嘉廣韻氏族略

澍按左傳注雋耦雋督曾孫也

后氏共工氏之子句龍為后土自三代以來祀為社神子

孫以后為氏漢有少府后蒼氏族略

澍按孔子弟子后處齊人又越大夫后庸左傳作舌庸

國策齊相后勝儒林傳后蒼字君東海郊人事夏侯始

昌蒼亦通詩禮為博士至少府

沈氏周文王第十子眡季食采於沈即汝南平輿沈亭是

也子孫以國為氏辯證

澍按魯有沈猶行齊有沈同

仲氏凡氏於字伯仲叔季是也湯左相有仲虺廣韻漢有廷

尉仲定金石錄

澍按仲虺列子作仲歸呂氏春秋作仲囂或謂萊朱即

仲虺也又按廷尉仲定碑略云君諱定聖漢龍興家于

成陽父張掖廣漢太守以父勳拜琅邪太守南陽陰府

君察孝不行南郡胡公除濟陰復舉孝廉拜尙書左丞

除郎中遷彭城呂長徵試博士太傅下邳趙公舉君高

行遷豫州刺史將軍從事符節令豫章太守徵議郎拜

大尙書遜位復徵拜將軍長史遷城門校尉執金吾拜

大中大夫遷廷尉卿託病乞歸云云趙明誠云定漢史

無傳惟風俗通元和姓纂具載姓名官爵今據補

仲烏氏漢有仲烏嬴

容齋隨筆

用氏古用國見毛詩在高堂乃用地故有用姓漢有用虬

為高唐令

路史國名記

急就篇

雍氏文王之子雍伯之後

廣韻

澍按世本黃帝臣雍父作杵白先于雍伯矣氏族略引

云文王第十三子雍伯之後又按賈逵云雍氏黃帝之

孫姑姓之後為宋大夫其說是

遂氏舜後箕伯直柄伯戲中衰商封之於遂為遂氏漢有

雲中太守遂成

路史注

漢有丞相司直琅邪遂義子貢為左

馮翊

辯證

備氏宋封人備之後

廣韻

利氏漢有利乾為中山相

廣韻

澍按利乾之前有利幾為項羽將又按姓纂楚公子食

采于利因以為氏路史老子之後有利氏

肆氏宋大夫肆成之後漢有漢陽太守肆敏

姓纂

澍按廣韻姓苑作漁陽太守成一引作臣又按東觀記

馬嚴從其故門生肆都學擊劍騎射又云肆仁昇劉珍

等同著作東觀

嗣氏衛嗣君之後

廣韻

漢有嗣居仁

姓纂

澍按鄧名世曰嗣氏本胤氏因國諱改宋避亂字原有

嗣氏也

忌氏周公忌父之後

廣韻

氏族略

被氏漢有太中大夫被通牂柯太守被條

辯證

澍按宜為舜師被衣之後呂氏春秋鄭大夫被瞻被條

一作枚條也

義渠氏義渠狄國為秦所滅後因氏焉漢有光祿大夫義渠安國宣帝使行覘諸羌證

澍按氏族略引無宣帝以下七字

懿氏本齊懿公之後氏族

澍按懿公桓公子桓公時已有懿氏應說非羅泌引云

懿氏出齊懿公妾

摯氏摯疇古諸侯國也見毛詩周有摯荒或言帝嚳子摯之後漢貨殖有茂陵摯綱氏族

澍按路史引云古之諸侯後有摯疇氏摯氏疇氏高士

傳有摯峻字伯陵昇司馬遷善摯恂字季直馬融從之

受業

貴氏出自陸終之後漢有貴遷為廬江太守廣韻

澍按漢永興宛令李孟初神祠碑有琅邪開陽貴咸又

漢有司空中郎將貴霸氏族略作晉人誤

既氏吳王夫槩之後因避仇改為既氏漢有長安令既良氏族

澍按當作吳王弟夫槩之後諸書引均脫弟字長一作

南令一作長良一作諒又按湯七佐有既子黯不始夫

槩矣

御氏漢有御氏為司空長史名長卿史記

澍按左傳注御叔御邑大夫是御姓以邑為氏也又按

秦有御庶子奮或以奮為氏如公乘姓也

御龍氏陶唐之後有劉累學摠龍事夏孔甲賜氏曰御龍

氏姓纂

遇氏漢有遇沖為河內太守廣韻

澍按氏族略引云東安太守正字通引云遇沖東莞人

均誤

露氏漢有上黨都尉露平

廣韻氏族略

澍按司馬貞三皇紀露氏姜姓又露堵父晉大夫見國語潛夫論陸渾之戎六姓五曰露羅泌云露參盧之封茶陵露水鄉有露水山字亦作潞蓋商周間衍于河東北介姓纂云黃帝封榆罔支子于路又按鮑永傳永初為郡功曹王莽以宣不附己欲滅其子孫都尉露平承望風旨規欲害永太守苟諫擁護召以為吏今本露作路誤矣

鑄氏鑄國堯後左傳臧宣叔娶於鑄氏

姓纂

澍按公子譜云鑄姬姓路史周有鑄仁達姓苑堯後以國為氏也

庫氏古守庫大夫之後以官為氏後漢有輔義侯庫鈞

廣韻

澍按王伯厚姓氏急就篇引云古守庫大夫後以官為氏王嘉曰孝文時居官者長子孫以官為氏倉氏庫氏倉庫吏之後也後漢金城太守庫鈞庫鈞一作庫鈞又按善文云鈞字巨公竇融傳鈞為金城太守前書音義曰庫即倉庫吏後也今羌中有姓庫音舍云承鈞之後庫成氏本苦成氏方言音變為庫成氏族略布氏戰國時趙有布子善相馬氏族略澍按馬防傳羌豪布橋等圍南部都尉于臨洮是西羌亦有布姓也

具氏晉大夫具丙之後漢有中山太守具褒

姓纂氏族略

步氏漢有下邳主簿步邵南

廣韻

澍按左傳晉步揚食采于步後因氏孔子弟子步叔乘漢有汝南步游張為令遇母于取慮見十三州志

厲氏春秋厲國在義陽隨縣北之厲鄉楚昇國也其後以國為氏漢有義陽侯厲溫敦辯證

澍按匈奴傳烏厲溫敦昇烏厲屈同降漢急就篇氏族略引云厲氏齊厲公之後漢有魏郡太守義陽侯厲溫見功臣表誤脫敦字又按郡國志厲山神農所生左傳僖十五年齊伐厲是以邑為氏也以為齊厲公之後者尤謬

賴氏春秋時有賴國其後以國為氏漢有交阯太守賴先辯證 氏族略 通鑑注

澍按先一作光交阯太守宜是賴光蜀漢有太常賴恭子玄官令史又按賴通厲然賴昇厲異會氏陸終第六子會人之後辯證 漢有武陽令會相 廣韻澍按急就章相作榭氏族略引云會氏陸終之子帝乙

之後邛姓有武陽令會炳又按晏于春秋景公臣會譴世氏戰國時有秦大夫世鈞廣韻 漢有九江都尉世寵 姓纂又世碩著子書氏族略

澍按世出自衛世叔之後也世鈞一作泄鈞鈞又作均世碩著養性篇見論衡藝文志陳人世碩著世子二十一篇七十子之弟子

帝疇氏路史注  
第一氏其先齊諸田徙園陵者多故以次第為氏漢書注  
第二氏田廣之孫田登為第二氏姓纂  
第三氏田廣之孫田癸為第三氏姓纂  
第五氏齊諸田之後漢高祖徙諸田而有第一至第八氏漢第五倫其後也姓纂

澍按倫字伯魚子頡字子陵孫種字興先又有督軍御



史第五永見謝承後漢書又鄭康成師京兆第五元通京氏易見鄭不傳

第八氏亦齊諸田之後田廣弟英為第八門因氏焉漢有第八矯為王莽講學大夫姓纂氏族略

艾氏龐儉母艾氏廣韻通鑑注齊大夫艾孔之後後漢汝南孝

廉艾伯益急就篇

澍按商時有艾侯武王俘之其子孫以為氏又按艾孔即左傳裔款益一作堅汝南先賢傳太守李俛選周子居黃叔度艾伯堅郅伯向封武興盛孔叔為六孝廉

桂氏漢有揚州刺史桂褒燕人氏族略

澍按刺史一引作太守又按桂氏族譜云桂貞為秦博士遭秦坑儒改姓香其孫避地朱虛改姓昞第四子居齊改姓焮不忘所自出也太尉陳球碑陰有城陽昞橫

漢未被誅有四子一守墳墓姓昞一子避難居徐州姓香一子居幽州姓桂一子居鬱陽姓焮此四字皆九畫古惠切并族譜說異

蒯氏晉大夫蒯得之後又衛有蒯瞶見左傳前漢有蒯徹氏族略

澍按河南有蒯鄉蓋以邑為氏者衛公子蒯瞶非姓蒯也蒯徹即蒯通著書名雋永

蕢氏并蒯同音魯有蕢尙姓纂

澍按蕢尙畫宮于道受哀公弔曾子謂不如杞梁妻之知禮見檀弓

載氏姬姓之後春秋有載國陳畱外黃是廣韻路史注

澍按鄭樵云疑即戴姓之訛也又按荀子解蔽篇唐鞅蔽于利權而逐載子楊倞注載讀曰戴

內史氏周內史叔興之後周又有內史過內史遷內史叔服善相人氏族

樹按左傳魯莊三十二年傳有神降于莘王問諸過在惠王十五年也魯僖十一年王使召武公及過賜晉侯命在襄王三年也僖十六年隕石于宋五六鶴退飛過宋都叔興聘于宋宋襄公問焉在襄王八年也魯文元年王使內史叔服會葬在襄王二十六年也是過在叔興之前內史氏宜為過之後且杜注叔服字是叔服非內史氏矣而內史遷竝無其人蓋因過字訛遷遂妄列之不知仲遠原文有誤抑夾際引舛又按周有五史內史掌六典八法八則八枋之貳過之先有為是官者以為氏非叔興之後始有此姓也疑杜預注叔為氏者亦非秦有內史騰攻韓得韓王

大氏大庭氏之後又大填大山稽竝黃帝師大欸為顓帝師禮記大連東夷之子氏族

樹按漢有大利善琴麻官有大伍公知東方朔為歲星大庭氏出古天子大庭氏之後急就篇

樹按英賢傳太庭氏古天子號一云炎帝時諸侯魯有大庭氏之庫

戴氏凡氏於謚戴武宣穆是也廣韻宋有戴惡不勝盈之辯證

漢有戴德戴聖戴崇戴長樂戴野急就篇信氏魏公子信陵君無忌後氏焉史記趙有信期秦將信

梁辯證樹按氏族略引云信氏魏公子信陵君之後

信都氏張敖尚漢魯元公主封於信都因氏焉一云本申屠氏古者信申音同故為信都姓纂氏族略

澍按漢高陽令楊著碑陰有博陵信都晏和

運期氏漢梁鴻改姓運期氏廣韻

澍按漢書逸民傳鴻易姓運期名耀字候光而列女傳

鴻自名曰運期字侯光彼此舛異疑列女傳誤也

慎氏慎到為韓大夫著慎子三十篇氏族略

澍按慎到趙人藝文志作著書二十四篇仲瑗云三十

篇疑訛又按左哀十六年吳伐慎白公敗之是以邑為

氏者九域志楚縣白公之邑故白公救慎也魯有將軍

慎子楚有太子傅慎子漢高帝有慎夫人

獻氏晉獻公之後秦大夫有獻則見戰國策廣韻氏族略

澍按國策注獻則楚人為芊戎游說者應氏以為秦人

非

段氏段干木之後廣韻姓段名干木氏族略路史注

澍按一引風俗通云段氏段干木之後有出遼西者本

鮮卑檀石槐之後又按應仲瑗以為姓段名干木蓋以

呂氏春秋有干木光於德昇魏都賦干木之德之而言而

設唐百官表遂謂封段而為干木大夫舛矣羅泌云段

干李姓邑也初邑段後邑干因邑而氏國策有段規呂

氏春秋有段喬儒林傳胡母生弟子有段仲溫廣川人

又有北地都尉段瑛驃騎將軍段志中郎將段郴酒泉

太守段彭西域都護段會宗段禧博士段猷太尉段頴

安西將軍段熲皆武威人

建氏楚太子建之後後漢元后傳有建公居趙幽王臣建

德氏族略

澍按廣韻引云楚王子建之後漢元后傳有建公統譜

引云楚王子建之後漢元后傳有建公建居建德俱中

丘人又按建公名居非建公外別有建居也建德為趙王遂之相不聽王反為王燒殺

諫氏周禮有司諫子孫以官為氏漢有治書侍史諫忠廣韻

辯證

澍按氏族略作持書御史

灌氏古諸侯斟灌氏之後子孫氏焉辯證

澍按氏族略引云斟灌氏夏諸侯也子孫氏焉又有張

氏冒灌氏又按漢有騎將灌嬰封潁陰侯淮南太守灌

夫後為太僕臨汝侯灌賢殺阬神祠碑陰有郡吏灌珠

字升明

亂氏夏時諸侯國子孫氏焉國名記氏族略

澍按羅泌以亂在利州即周時出羸衣者

戰氏漢有諫議大夫戰競姓譜

賤氏漢有右北平太守賤瓊又有曲阜人賤虞廣韻氏族略 容氏

齊隨筆

孝氏齊孝公之後支孫以謚為氏姓纂

到氏出彭城本自高陽氏楚令尹屈到之後漢有東平太

守到質辯證齊隨筆 容

澍按秦本紀有到滿助魏攻燕正義云滿或作蒲秦將

姓名也

豹氏八元叔豹之後廣韻

澍按魏志有騎將豹皮公焦度昇魏豹皮公遇交槃門

豹皮公墮地

暴氏暴辛公周諸侯也秦有將軍暴鳶漢有御史大夫暴

勝之字公子河東人氏族略

澍按廣韻引云商諸侯暴辛公之後漢有繡衣使者暴

勝之又按世本云暴周圻內國文公八年會雒戎盟于  
暴鄭詩箋謂周圻內無暴邑失之

播氏播靴武商末賢人

氏族略

澍按播靴官名非姓當作子孫以官為氏

左丘氏魯左丘明之後

陸德明經典釋文史記注

澍按左丘複姓其稱左氏者避孔子諱或謂為楚人左  
史倚相之後者誤也

左行氏晉先蔑為左行其後以官為氏漢有御史左行恢

急就章

謝丘氏周宣王支子食采於謝丘因以為氏古今人表漢

有謝丘章魯人

姓纂氏族略

澍按一引無丘字支子作第三子氏族略引云魯有謝  
丘章又引古今人表上有漢書二字

夜氏夜姓也漢靈帝時雒陽男子夜龍以弓箭射北闕龍

有從兄陽

辯證

澍按五行志光和中雒陽男子夜龍以弓箭射北闕吏

收考問辭居貧負責無所聊生因買弓劍以射近射祆

也風俗通龍從兄陽求臘錢龍假取繁數頗厭患之陽

昇錢千龍意不滿欲破陽家因持弓矢射彳武東闕三

發吏士呵縛首服帝詔惡惡止其身龍以重論陽不坐

放氏放齊之後

史路

暢氏出姜姓齊後有暢惠明著論語義註十卷

辯證

澍按陳畱風俗傳云漢暢曾著水德經一卷

匠氏凡氏於事巫卜陶匠是也

廣韻

古有匠石

氏族略

澍按司馬彪莊子注匠石字伯尚文選注字伯夔

望氏齊太公望之後

辯證氏族略

樹按春秋運斗樞帝堯時有臨侯望博是望姓不始呂望也

曠氏師曠之後氏族略

樹按羅泌云曠即鄜字書鄜古國是謂曠為以國姓者非師曠之後

牟氏新鄭人揚牟邨在縣西二十五里牟音嘖氏族略

樹按集韻牟所嫁切音嘖姓也出新鄭

敬氏陳敬仲之後漢有揚州刺史敬歆平陽人廣韻通鑑注

樹按說苑齊有狂卒敬居善畫一作敬君鄧元亞謂秦漢以前無此氏妄矣唐宰相表歆作詔又按歆有碑在正平縣北二十里墓側碑略可辯者嘗辟司隸從事又為治書侍御史最後云年五十三光和四年閏月遭疾卒

丙氏齊大夫丙歆之後漢貨殖傳魯人丙氏功臣表高宛

疾丙倩廣韻

樹按廣韻引云齊有大夫丙歆又按丙氏宜為齊懿公臣丙茂之後百官表太子太傅丙吉為御史大夫

令氏楚令尹子文之後漢有中大夫令勉史記索隱

樹按漢書文帝六年以中大夫令勉為車騎將軍屯飛狐勉文帝紀作免徐廣以為中大夫令是官名非也又按西南夸傳青衣道夷邑長令田百官表大司農令惠右行氏晉賈粲為右行因官為氏漢有御史中丞右行綽急就章

樹按姓纂云晉屠擊將右行因氏焉又按成十八年傳右行辛為司空杜注辛將右行因以為氏正義云僖二十八年晉作三行三十一年即罷之彼云屠擊將右行

風俗通好氏篇  
未知此人卽屠擊之子爲是其祖父代屠擊也又按右  
行辛卽賈辛僖十年傳有左行共弩右行賈弩晉之有  
右行舊矣昭十二年傳有右行詭

右師氏宋莊公至公子申世爲右師氏漢有中郎將右師  
譚後漢有博士右師細君氏族略

澍按孫恂云左傳宋樂大心爲右師其後因官爲氏又  
按右師細君包咸師事之習論語楊震碑陰有右師子  
摻

救氏漢有諫議大夫救仁廣韻

澍按氏族略仁作又誤又按劉向別錄易家有救氏史  
記淮南王從事救赫漢書作枚赫殺阬碑陰郡吏有救  
舉遂興救舅文曜楊震碑陰有救辯卿

畫氏畫邑齊大夫之後因氏焉廣韻急就路史注

澍按姓纂氏族略引云齊大夫食邑於畫邑因氏焉又  
按卽孟子宿書者水經注作澧中也

寇氏蘇忿生爲武王司寇其後以官爲氏漢有寇恂廣韻後漢書注

澍按姓譜康叔爲周司寇後人遂爲寇氏顧寧人謂康  
叔衛國之祖無以王官氏其支庶之理今據禮記疏則  
寇氏爲司寇惠子之後陳畱傳寇氏自黃帝出寇恂字  
子翼潁川太守

竇氏夏帝相遭有窮氏之難其妃方娠逃出自竇而生少  
康其後氏焉廣韻通鑑注

澍按一引云夏后相遭有窮氏之難后緡方姬逃出自  
竇而生少康其後氏焉漢有魏其侯竇嬰

竇公氏魏文侯時樂人竇公氏獻古文樂詩書一篇辯證

樹按桓譚新論云魏文侯時樂人竇公年百八十歲兩目皆盲文帝奇之問曰何所服食至是對曰臣年十三失明父母教以鼓琴無所服餌

廖氏古有廖叔安左傳作颺蓋其後也漢有廖覬為鉅鹿太守氏族略通鑑注

樹按一引未有云今南劍衡山多廖氏或言周文王子伯廖之後漢書方術傳有廖扶汝南人蜀志有廖化即廖涪廣韻後漢有廖湛

穀梁氏名赤子夏弟子魯人陸氏釋文趙氏損益義

樹按桓譚謂名赤王充謂名賓顏師古謂名喜阮孝緒謂名俶字元始仲瑗從桓氏說也麋信云穀梁當秦孝公時

卜氏凡氏於事巫卜陶匠是也春秋魯有大夫卜齮魯莊

公車右卜國辯證

樹按路史云夏啟後有卜氏又叔繡後有卜氏氏族略

周禮卜人後以為氏莊子卜梁倚有聖人之才韓子有卜皮漢御史大夫卜式太史令卜福

服氏周內史叔服之後以字為氏漢有江夏太守服徹一作後漢九江太守服虔注漢書證

樹按國策客有見人于服子漢藝文志易家有服光光一作先應奉傳有巴郡人服直

祿氏紂子武庚字祿父其後以字為氏氏族略

樹按蕭何之妻祿母同高后二年封為侯見功臣表祿宜為妻姓也

鹿氏趙大夫食采五鹿因氏焉漢有巴郡太守鹿旗子孫因家焉姓纂



澗按廣韻氏族略通鑑注容齋隨筆皆引云鹿氏漢有  
巴郡太守鹿旗又按趙宜作衛國策有鹿毛壽魏志有  
將軍鹿磐

沐氏漢有東平太守沐寵廣韻注 氏族略通

澗按沐氏狀云端木賜之後避難改爲沐氏其說非沐  
水名在青州當以地爲氏也漢有市長沐茂上書救李  
雲沐竝字德信其子雲儀見魏志注又魏郡沐季興見  
楊震碑陰

述氏世本魯大夫仲述之後廣韻注 氏族略

澗按仲述卽仲遂也遂述古字通

宿氏伏羲風姓之後以國爲氏漢有雁門太守宿詳廣韻注 氏族

隨筆通鑑注

澗按宿地在東平無鹽縣左傳作戚字異音同也漢又

有汝南太守宿仲談公孫淵校尉宿

鞠氏漢有尙書令平原鞠譚廣韻注 或爲麴氏音之譌也 氏族略

澗按姓纂后稷之孫鞠陶生而有文在手曰鞠因以名  
之支裔氏焉晏子春秋鞠語孔子之徒國策燕太子丹  
太傅鞠武

牧氏黃帝臣力牧之後漢有越雋太守牧稂廣韻注

澗按顏籀云枚根一作牧稂也氏族略作牧良誤路史  
云康妹後有牧氏又按黃帝師牧德則牧姓遠矣孟獻  
子友牧仲狂者牧皮

牧師氏漢依周禮置牧師令主養馬後世因以爲氏姓纂

祝氏鄭大夫祝聃之後漢有司徒祝恬姓纂

澗按漢山陽太守祝睦碑云其先蓋高辛氏之火正以  
能涸耀天地日祝融遂獲豐阜之胙輝裔昌遠大乃侯

伯分仕諸夏鄭有祝聃者君其亂也又按周有祝跪秦有祝懼晉有祝簡齊有祝佗父又按祝恬字伯林中山人

祝其氏宋戴公之子公子祝其為大司寇因氏焉漢有清河都尉祝其承先姓纂

樹按海之懷仁故祝其也是祝其以地為氏者

鄱氏鄱晉邑楚雍子奔晉晉昇之鄱以為謀主因以邑為氏漢有東海太守鄱熙辨證

樹按漢永平通褒余谷碑有鄱君鉅鹿人無名漢中郡太守也

沃氏商王沃丁之後神仙傳沃焦吳人氏族略沃氏太甲子沃丁之後廣韻

樹按一引云沃焦吳人著神仙傳疑誤又按路史云微

子後有沃氏

曲氏晉穆侯封少子成師於曲沃後氏焉漢有代郡太守曲謙辨證貨殖傳有曲叔後漢有太常卿曲仲尼氏族略

樹按周書史記解有曲集氏自伐其智賢良伏匿榆州伐之而亡子孫必有以國為氏者又按桀臣有曲逆不必始成師也蒙恬傳秦御史曲宮

督氏宋大夫督父督之後晉有督戎欒盈之臣漢有五原太守督瓊氏族略容齋隨筆

樹按廣韻引末一句瓊一引作瓊又作瓚州輔碑陰有便長督匡仲英

僕氏周禮僕人之後漢有輝渠侯僕多廣韻

樹按左傳鄭有僕展楚有僕析父霍去病傳作僕朋此作多昇表同功臣表云歸義侯僕多子電雷後以屬國

都尉擊匈奴封輝渠輝渠魯陽縣也表又有易侯僕黜師古曰黜音怛

蓐氏蓐收氏之後路史注氏族略

澍按蓐卽辱鄔也所謂郝鄔俱在河南有鄔山又按左傳昭元年沈媯蓐黃注四國臺駘之後與應仲遠說異遂氏遂秦邑也其大夫封於遂因氏焉前漢蒙卿侯遂並王莽大司馬遂並先爲左隊大夫漢書注氏族略

澍按廣韻引云漢有大司空遂並顏師古曰遂音錄字或作逮二姓皆有之又按遂並王莽篡位爲大司馬非大司馬別有遂並也並古普字應氏分爲二人誤郵壽傳並好士爲左隊大夫也統譜于棣字下又云王莽司馬棣並誤矣又按遂明石勒十八隊之一也見水經注鄭氏引云後漢有遂明非矣許慎說文引遂安說

室中姓索隱

澍按漢藝文志有室中周著書十篇室一作室王莽時室中公避地漢中漢初有室中同以弩將破秦封清簡侯事在高帝八年

于氏河東于氏楚有大夫于衡辯證

澍按鄧元亞云于丑六切密須氏姑姓之國後以爲氏史記周本紀注

澍按杜預云滄于東北密鄉也漢有尙書密忠濯氏古賢人濯輔之後廣韻

澍按宜爲子濯孺子之後

栗氏古栗陸氏之後燕將有栗腹漢有栗融字容卿又有富人栗氏長安人又景帝時栗夫人生臨江王榮氏族略

澍按儒林傳有泰山太守栗豐授詩于食子公英雄記

有鄴郡太守栗成

乙氏漢有南郡太守乙世姓纂

澍按漢有魯相乙瑛修孔子廟奏置百石卒史瑛字少

卿平原高唐人魏畧樊城守將乙修

姑氏殷時侯國也一作吉氏族略

澍按史記后稷元妃姑氏潛夫論周先姑氏封于燕邳

昇姑音同而字異前漢書音義邳音之日反

佶氏佶殷時侯國後以爲氏急就篇

澍按佶昇吉同詩謂之尹吉是也又昇姑同詩惟韓姑

相攸是也又卽邳字潛夫論佶昇邳音同而字異

邳氏邳商時侯國也見毛詩漢有濟南太守邳都入酷吏

傳國名記氏族略通鑑注

澍按光武時有長沙太守邳惲字君章西平人子壽字

伯孝官尙書僕射百官表執金吾邳元

闕氏承闕黨童子之後漢書藝文志縱橫家有闕子著書

一篇後漢書注漢荊州刺史闕栩又有下邳賊闕宣辯證

澍按栩一作翊陶謙傳下邳闕宣自稱天子謙初昇合

從寇鈔後遂殺宣并其眾

謁氏古有謁者以官爲姓後漢汝南太守謁瓊一名煥見

獨行廖扶傳又張湯小史謁居氏族略容齋隨筆

澍按姓譜引云古有謁者官因以爲氏史記張湯有所

愛史魯謁居是謁居姓魯否則謁居魯人廣韻引云漢

有汝南太守謁渙江津人又按鬱陽國志作謁煥墊江

人汝南記江州人方術傳應氏以爲獨行傳誤張納功

德敘碑陰有守屬江州謁恭

勃氏宋左師勃之後晉有寺人勃鞞一名勃貂辯證氏族略

澍按勃鞞一作勃披字伯楚見晉國語

葛氏葛天氏之後漢有潁川太守葛興路史注後漢有汾陰

令葛龔有文集七卷氏族略

澍按郡國志高陽有葛城又亳城百里有葛伯國非嬴

姓之葛列仙傳周成王時有葛由又按韓棧傳太守葛

興中風病不能聽政稜陰代興視事也

滑氏漢有詹事滑典廣韻

澍按滑國為晉滅子孫以國為氏又按典一引作興左

傳衛大夫滑羅莊子有滑介叔

屈侯氏魏賢人屈侯鮒史記漢有郎中屈侯景證

澍按氏族略路史俱引作郎中令屈侯豫一作屈侯原

又按羅泌云屈武子瑕邑號屈侯後以為氏其說誤宜

云楚武王子瑕食邑于屈號屈侯因氏焉

頡氏有頡衛古之賢者廣韻

澍按路史頡氏倉頡之後氏族略引云頡衛古之賢人

赫氏古天子赫胥氏之後又有赫胥氏路史注

列山氏古列山氏之後一曰厲山氏即連山氏鄭有列禦

寇著書十八篇姓纂

澍按呂氏春秋有列精子高齊潘王時人列山一作烈

山

鷓冠氏賓人以鷓冠為姓鷓冠子著書氏族略

澍按晉虞槃佑高士傳鷓冠子或曰楚人隱居幽山衣

弊履穿以鷓為冠莫測其名因服成號著書言道家事

馮諼常師事之後顯於趙鷓冠子懼其薦己也乃詐諛

絕通志略引作褐冠誤今改正亦見袁淑真隱傳

郭氏本自王季子郭叔之後廣韻又云氏於居者城郭園池

是也廣韻

澍按夏禹御郭哀商有郭崇子是郭不始郭叔也漢有

潁川太守郭伋字細侯

獲氏宋大夫猛獲之後氏族略

澍按廣韻引作尹猛一作孟獲俱譌

作氏周公之子胙侯子孫因避地改爲作氏漢有涿郡太

守作顯氏族略

澍按路史云祭公後有作氏容齋隨筆止引未句漢有

涿郡太守作顯

博氏漢有博勞吉善相馬辯證

澍按氏族略引云漢有博子勞善相馬廣韻云古有博

勞

薄氏衛賢人薄疑漢高帝薄夫人生文帝夫人弟昭封軹

侯官至車騎將軍子戎奴嗣氏族略通鑑注

澍按莊十二年盟薄杜預注梁國蒙縣北薄城是是薄

以邑爲氏者又按衛賢人一作魏賢臣誤薄疑一作蕩

疑楊震碑陰有弘農薄君明

幕氏虞幕之後急就章

澍按氏族略引云舜祖幕之後也幕見左傳韋昭國語

注爲舜後誤

鐸氏漢有廷尉鐸政氏族略

澍按宜是司鐸以官爲氏者魯有大夫司鐸射見昭公

十三年路史鐸齊太公之後又按楚有鐸椒爲威王太

傅著春秋微三篇漢有廷尉則鐸政也鄭氏所引疑誤

又按趙簡子殺竇犇國策作鐸犇索隱云鳴犢犇字也

落氏皋落氏翟國也此赤翟別種也其地在今絳州垣縣

漢有落下閔巴郡人篡太初麻後有落氏姓篡氏族略

澍按春秋傳齊地有落姑或云魯地魯大夫采落宜出

于落姑氏不止赤翟一種也桓譚新論落下閔姓黃名

閔寧陽國志閔字長公益部耆舊傳隱於洛下蓋洛下

閔中之地名也諸書竝以為姓落下名閔誤矣劉艾漢

紀滎陽賊殺中牟令落皓

管氏楚有管倫路史注通鑑注氏族略

澍按漢末丹陽人管融管一作迮音側格反

伯氏嬴姓伯益之後為氏辨證

澍按鄧名世云姜姓伯益之後

栢氏古帝有栢皇氏其後稱栢氏焉急就章栢皇氏之裔又

栢亮父顓帝師栢招帝譽師栢景為周太僕栢國在今蔡

州西平縣為楚所滅子孫以國為氏漢有栢英為大鴻臚

氏族略

澍按栢招一作伯昭栢景即伯同一作伯駉

栢成氏堯時諸侯栢成子高姓纂

澍按栢成子高一云即栢高舊說岐伯名栢高非也栢

成疑非複姓

栢侯氏栢成子高堯時諸侯也因氏焉漢有尙書令栢侯

奮管寧從栢侯子安受春秋子安南陽人氏族略

澍按栢侯一作白侯音之轉吳張昭亦從白侯子安受

左氏

鬲氏偃姓皋陶後國名紀

澍按夏諸侯有鬲氏後姓書以為出膠鬲謬

白象氏白象先生古賢人隱者辨證

澍按漢藝文志雜家有伯象先生一篇應劭曰益隱者

也故公孫敖難以無益世主之治伯與白同

白鹿氏白鹿先生古賢人著書氏族略

白馬氏微子乘白馬鞞周因氏焉氏族略

櫟陽氏漢景丹封櫟陽侯丹曾孫汾避亂隴西因封為氏

焉氏族略

百里氏秦百里奚之後其先虞人家於百里因氏焉後漢

徐州刺史吉陽亭侯百里嵩陳留人氏族略

嵩按嵩字景山傳車所到屬縣膏雨墓在封丘今汴水

赤氏帝嚳師赤松子之後見神仙傳氏族略

嵩按神農臣赤冀作杵臼即赤奮若也顓頊師赤誦即

赤松又黃帝木工赤將子輿

射氏出自晉大夫號射之後以王父字為氏辯證漢有大鴻

臚射咸大典星射姓纂

澍按三輔決錄射咸本姓謝名服天子以為將軍不祥改之咸路史引作威清河相射嵩見天文志射姓見律歷志大字不與典星連為侍郎尊之名也

昔氏昔邑名周大夫封昔因氏焉漢有烏傷令昔登國名略

氏族

澍按路史云昔一作夕故有夕侯後有昔氏夕氏其說

非昔雖通夕然夕為蠻姓蜀有之昔則昔陽以地為氏

也

析氏衛公族大夫析朱鉏之後朱鉏公子黑肩之後以王

父字為氏齊有大夫析歸父後漢析像通京氏易像者鬱

林太守析國之子也廣漢雒縣人入後漢方術傳氏族略

澍按析即浙川春秋白羽地南陽析縣也近人作折者

非廣韻引云齊大夫有析歸父



職氏周禮有職方氏其後因官為姓漢有山陽令職洪廣韻

食氏食我韓公子也見戰國策漢有食于公為博士蕭該音義

澍按廣韻引云漢有博士食于公河內人又按儒林傳

作食子公燕人蔡誼受詩于同郡食子公食生為博士

氏族略引作食子公河南人誤

息氏息侯之後子孫以國為姓漢有息夫躬河內人路史注

澍按息侯國楚文滅之蔡有古息城

息夫氏息公子邊為大夫因氏焉漢有光祿大夫息夫躬

世居河內河陽氏族略

嗇氏古嗇夫子孫因氏焉氏族略

澍按路史周桓王之後有嗇氏

直氏楚人直躬之後漢有御史大夫直不疑封塞侯辯證

澍按呂氏春秋禹臣有直成一作真窺國語晉之先直

柄蔡邕碑有直父一作真父誤

力氏黃帝臣力牧之後漢有魯相力題漢未有力子都為

盜姓纂

澍按羅泌謂力牧宜作刀牧非也帝王世紀黃帝夢有

人執千鈞之弩牧羊大澤占曰必有異力之人而能牧

天下觀此則為力無疑力牧摘象輔作力墨力子都或

作刁子都

翼氏晉翼侯之後漢有諫議大夫翼奉辯證

澍按翼奉字少君下邳人治齊詩尤精律麻陰陽之術

藝文志孝經有翼氏說一篇

卽氏其先食采卽墨因以命氏漢有單父令卽賣氏族略廣韻

隨筆容齋

澍按氏族略引賣作費疑誤

即墨氏田單守齊即墨有功因以命氏漢有城陽相即墨成齊人受易於田何辯證

澍按即墨成爲城陽相受易于淄川楊何也見儒林傳

墨夷氏宋大夫有墨夷須墨夷鴻辯證

澍按世本宋襄公子墨夷須爲大司馬其後有墨夷皋

又按氏族略引鴻作皋

稷氏堯時棄爲后稷子孫以官爲氏漢有上津令稷嗣辯證

澍按列仙傳有稷丘君泰山道士又按漢王拜叔孫通

爲博士號稷嗣君徐廣云言其德業繼踪稷下之風流

也漢書音義曰稷嗣邑名此上津令稷嗣當用叔孫通

之號爲名也

墨胎氏孤竹之國君姓墨胎氏姓纂

澍按路史引云墨胎氏伯夷叔齊姓也即墨怡怡音眉

又按漢地理引應劭云伯夷之國君姓墨胎氏墨胎氏名初字子鞠伯夷叔齊父也見春秋少陽篇又禹師墨如或云墨台

北唐氏晉有高人隱於北唐因爲氏漢有北唐子眞治京

氏易急就章注

澍按氏族略引英賢傳高人下有越者二字隱下有居

字

北海氏古有劉河者處於北海其後以爲氏田和有大夫

北海子高姓纂

澍按氏族略引英賢傳與此文全同惟田和句作吳大

夫有北海子高

襲氏賓人七姓有襲氏急就篇後漢有益州將襲蓋卿辯證

立如氏魯有賢人立如子著書氏族略

廣韻 容齋隨筆 通鑑注

集氏漢有外黃令集一筆汲氏衛宣公公太子汲之後居汲因以為氏氏族 漢有中

尉汲黯為淮陽太守姓 纂

澍按汲太公故居有太公泉及廣河南汲縣是矣朱雋傳有彭城相汲廉河渠志有汲仁黯弟

納氏急就章注引風俗通有納氏

沓氏賁人七姓有沓氏急就篇

捷氏邾公子捷菑之後漢藝文志有捷子二篇六國時人氏族 略

澍按捷子齊人水經注戰國之時齊宣王喜文學游說之士鄒衍淳于髡田駢接子慎到之徒七十六人皆賜列第為上大夫不治而議論一作接子云武帝時人誤又按淮南子黃帝臣捷矧是捷姓不始于捷菑也

葉氏楚沈尹成生諸梁字子高食采於葉因氏焉姓 纂

澍按鄭樵云葉音攝後世乃與木葉同音也

莢氏莢成倍子晉大夫也見世本漢藝文志有莢氏春秋氏族 略

澍按廣韻莢字下引云莢成倍子菱字下云菱氏倍子此又引作莢未省孰是

甲氏太甲之後一云鄭大夫石甲父之後氏族 略

澍按左傳鄭大夫石甲父姓甲父名石也鄧氏以為甲父姓石非矣又按宣十六年荀林父滅赤狄甲氏及留吁皆潞之屬也或以國為氏者姓纂云古諸侯以國為氏

輒氏衛出公輒之後姓 纂漢有輒終古氏族 略

澍按漢有轅終古兩粵傳作榘終古錢唐人斬徇北將

軍為語兒侯無輒終古也應氏說誤

鄴氏漢有梁令鄴風廣韻

澍按風辯證引作鳳鄴當以地為氏者

習氏習國名傳有少習漢有陳相習響路史注氏族略通鑑注

澍按襄陽記光武時有侍中習郁與光武同夢見蘇嶺

山神者季漢有步兵校尉習隆表立諸葛亮廟亦見襄

陽記

法氏齊襄王法章之後秦滅齊子孫不敢稱田故以法為

氏宣帝時徙三輔代為二千石後漢有扶風法雄雄子真

並有傳氏族略

澍按法章齊湣王子也法章子建立為秦所滅見史記

應氏說誤法雄字文彊南郡太守法真字喬卿四徵不

屈號玄德先生

風俗通姓氏篇下

順德龍鳳鑣校棊

風俗通好日篇下

三



